

小舫遺稿 中

特259

467



始



#259  
#467

小舫遺稿中

自大正八年至大正十一年所詠

己未元旦

扶桑初日麗，景象自熙熙。晴雪耀蓮嶽，瑞雲圍鳳池。光添千竈火，影閃萬家旗。朔漠沈兵氣，東瀛振羽儀。謳歌頌清世，喜雀上林枝。

湘香曰：似唐人應制作。○默淵曰：光添十字，何等雄渾，何等瑰麗，末句五字借小雀，暗頌聖德之大，命意推妙。

醉夢

三巡醉椒酒，吟杖獨徘徊。菜渚春猶淺，梅園暖未催。寒流漲江岸，凍雪滿山隈。一覺閑窓夢，爐紅已作灰。

新年聞和約

西歐追敵敵逾窮，和約初成奏戰功。難局稱痾真豎子，敗軍棄位偽英雄。豺貅千萬死生界，天地冥濛鐵火中。自是五洲人意改，仰看東海曙曦紅。



早春

野塘煙未起，枯柳影疎疎。春淺江東路，暮寒臺北廬。莊園問花信，茅舍閱鴻書。偶與吟朋酌，佳肴是早蔬。

發上野

慇懃別親戚，匆忙上歸程。妻女皆疲色，唯吾物外情。臺麓風寒笛聲急，颺車動作金鐵鳴。夜色黯淡人不見，回頭目送萬燈明。

常磐線車中

輾轉車聲鳴不休，夜深已過常磐州。此行賴有妻孥在，忘我離愁與旅愁。

仙臺

青葉城高聳大空，經營百雉萬提封。英雄今尙存餘勇，想見當年

獨眼龍。

湘香曰：五氣雄偉。

過野邊地

奧地三千里，山重路不通。龍飛岬何處，獨嘯北溟風。

湘香曰：五字長城。

青森乘船

幾度茲來往，重呼海峽舟。魚龍頻出沒，遠碧是蝦州。

船着函館

臥牛眠未覺，鐵笛破津關。激灑明波色，萬燈巴字灣。

羊蹄山下偶成

雲霧漠漠羊蹄巔，羊腸路亦爲回旋。高峰拔地八千尺，寒颺襲髮來森然。到比羅夫路險峻，沿河攀崖難得前。更有軌道貫犖确，警笛聲裡興煤煙。喬樹鬱鬱埋谿谷，巉巖幾處懸流泉。仰觀已好俯亦好，脚下急湍後志川。蜿蜒如帶數十里，勢似龍躍騰青天。所恨屏顏遮雲霧，咫尺相近逢無緣。防寒吾有一杯酒，天色欲霽山猶

眠

着札幌

入幌都來日已斜，熒熒燈火幾千家。海程陸路皆無恙，轉覺歡情分外加。

聞米國出禁酒法有作

酒是百藥長，古來多用途。祭神薦素饗，待賓貯盈壺。君王會臣使，慰勞屢賜醕。最是冠婚禮，日夕不可無。對酌賞花月，一醉親琴書。人世臨遠別，忘愁暫歡娛。近聞北米國，舉國閉酒壚。耶佛嚴禁飲，回教罰酒徒。見他蚩蚩輩，沈湎傷心軀。制法非無謂，奈被苛法拘。皇國尊恒例，果不可用乎。曾知十詠旨，今想百事迂。無才學劉李，誰不嘲其愚。唯儒不禁飲，戒之垂聖謨。君子有所樂，到酣不忘吾。

湘香曰：皇國以下數句見作意。

悼吉野圭六寄似父幸德翁

名花世推吉野櫻，想花思君幾傷情。一聞驚心圭君訃，再唱斷腸哭子賦。太惜學成未週年，骨埋魂逝都南天。堂上老親慰無語，生憎淒風又妬雨。欲問天道是耶非，何事遽奪寧馨兒。嗚呼櫻花落復發，人已死亡不可活。一龕燈燭流淚繁，落花風雨天黃昏。湘香曰：解，傷心一段，又曰不禁卒讀。

和吉野幸德哀詩韻

高才何所忌，惜此璧無瑕。鳥哭春三月，雨悲天一涯。白頭收玉骨，紅淚濺櫻花。人逝韶光盡，追思幾度嗟。

悼大和田貴七郎

子規啼血何太苦，千聲髣髴天欲雨。人與春光去不還，懷君悄立落花塢。湘香曰：情韻並臻。○賦謂曰：興而賦，一讀凄然，形詩上乘。

追悼山田勝伴夫人

不識孤鴛何處飛，四邊春盡雨霏霏。恨他造物無情甚，長使人間  
淚濕衣。湘香曰：凄絕。

芍藥

園中百花謝，新樹陰重重。獨有楊州種，三月猶留紅。新莖清而細，  
含露鮮花容。只爲嫌競秀，託根畫闌東。不羨牡丹艷，婪尾殿春風。  
桐江釣臺圖

紫綬黃袍棄如土，千秋誰不仰高情。曾經帝座夢魂犯，反伴一竿  
風月清。

讀維廉二世遜位書

驕王力屈索和盟，天地斂塵初太平。千萬生靈空慘死，腆顏猶欲  
樂餘生。

閑居

日長幽趣足，避世寄園林。烹茗解禪味，賦詩求道心。苔痕留帚跡，  
鳥語混泉音。偶與吟朋對，松筠一徑深。

夜間刪詩

閑來剔燭閱吟囊，半夜猶傾酒幾觴。鴻爪雪泥陳跡遍，月光如水  
照書房。

閑興

閉門常謝客，自適學清班。碧草牛眠穩，殘花鳥語閑。披書見東海，  
踞榻對西山。簡事忘吾老，悠悠歲月閒。

遊余市林家

負山臨海處，勝地絕塵緣。雲鎖神威岬，潮通鞞鞞天。鳥聲過網上，  
帆影落軒前。詩酒優游足，堆盤潑刺鮮。湘香曰：三四好句可誦。

余市豐漁

余市嶽高聳北陬，峰巒無數環四周。山脊透邇向北走，斜畫巴字成灣喉。嶽下一市三千戶，魚蝦饒富真罕儔。聞說今春漁期至，市民意氣衝斗牛。魚族群來幾千億，萬舟壓海潮不流。旗旛翩翩大漁記，人皆勇躍爭漁謳。宛是一幅活戰圖，千軍萬馬交戈矛。歌聲徹波波變紫，鯨鱉逃遁鼉鼉憂。倏忽妖雲起天末，馮夷打鼓天吳啁。迴風激浪攻來急，漁舟掀舞木葉侔。舷舷相擊網網結，沈海相覆沙汀洲。別有汽艇備赴援，龍骨半碎無由浮。入夜風浪更險惡，修羅場裏加悲愁。婦呼夫去子呼父，泣者叫者齊登丘。只怪海上人語少，狂濤十丈埋巖頭。天明風歇海稍靜，俄繕殘網撐破舟。轉禍爲福在此際，勇氣百倍爭相投。不學長竿探珊瑚，只合任手銀鱗收。家家所獲幾千斛，海中復見豐漁旒。不負鯁之余市稱，漁期



殷賑冠北州，由來寶庫神。加護天表嶽，色輝千秋。

贈渡邊一布翁

翁近書大字，字長三十尺，幅二十四尺，巨筆長八尺。

一躍抽身立紙邊，雲生脚下墨如川。驚看前代未聞字，疑是龍蛇落九天。

初夏偶成

夢覺階前樹色蒼，桐陰竹影好尋涼。小禽枝上弄新韻，胡蝶花間追晚芳。三日颶風已踰嶺，半村驟雨乍霑牆。閑莊無復佳賓到，蒸麥煙斜又夕陽。

夢湘香翁寤後賦此

曾遊入吾夢，聯袂賞春闌。痕濕雨苔碧，影翻風牡丹。賦詩嘲世俗，把酒瀝胸肝。覺後追思處，悄聞鐘語寒。

湘香曰：三四尖巧。

重雄電報到

小舟遊和  
客歲出遊京洛天，關河相隔路三千。飛書忽自青灣到，想落臥牛山下船。

重雄歸家

負笈遊京過一年，歸心如矢望鄉天。飈車走破三千里，莞爾今朝現我前。

贈富所廣吉

廣吉今春爲小樽盲啞學  
校長寄書懸問壽中安否

夏天喜與世間疎，此處林泉涼有餘。翻憶舊朋新興趣，海頭明月照仙廬。

奉迎東伏見宮殿下

闕家三井俱樂部  
部爲殿下旅館

一雨喬林不着塵，石泉動處氣清新。朝來頓覺光輝滿，喜我西隣迎貴賓。

聞釣遊會景况

綸徒趁約荻蘆青，八尺長竿立水汀。釣臺應有忘機客，自由伸脚夢黃庭。

八月二日兒文雄被授農學博士喜賦

老生何幸受餘榮，笑我被拘凡俗情。今日團欒泉石側，水聲人語一般清。

謝長崎正辰見寄賀詞

誰憐天北舊巢栖，十歲辛勞精衛泥。幸有長兒成羽翼，一聲初作破雲啼。

謝村田竹外見寄賀詞

常感叔爺慈愛深，懇書奮發我兒心。餘榮今日團欒席，恨不與君同一斟。

謝小川默淵見寄賀詩次韻



十年研鑽業，何幸受餘榮。老父曾無績，小兒初有名。已遭恩命到，反想重任生。賀詠皆金玉，感吟傾酒觥。

附錄默淵原作

螢雪業全成，新擔博士榮。義方仰庭訓，令譽舉家名。麗水黃金出，藍田美玉生。古言真可味，稱賀且揚觥。

檐聲

偶聽檐聲傾耳久，涓涓恰出巧樂手。乍消乍生成後先，一高一低有緩急。自然發處自然受，和鳴共鳴不相負。不依樂譜不待人，聲聲都無被掣肘。不聽斷絃澁滯尤，不示折柳嗚咽醜。池畔咆哮青蛙群，土窟伸縮蚯蚓首。雨霽啼禽集竹叢，詩就默客倚松牖。明暗幽室懶酌酒，恨無同趣同聽叟。

莊園夏日六首

莊園夏色自蒼然，爽氣透簾宜晝眠。一徑幽苔連兩地，三池冽水湊孤川。曾無人影過橋上，時有鳥聲聞枕邊。林下呼童烹茗處，松華落地動晴漣。默淵曰：類聯何等幽致。

莊園不見俗人過，銷夏水邊安樂窩。雨歇岩間生白霧，風來池表疊青波。憑欄俯見遊魚影，停杖仰聞嬌鳥歌。偏覺老來無定課，詩情轉向此中多。默淵曰：前聯幽峭清，後聯似有寄托。

莊園夏日氣清涼，池水倒涵林樹蒼。觸石流泉聲寂歷，入簾舞蝶影顛狂。何須杖履探詩料，唯是琴書代藥囊。兩讀晴耕吾樂在，向人未敢語望洋。默淵曰：靜中有動，動中有靜，後半自得清適之情，堪想殺矣。

莊園不着九衢塵，水木清華景自新。如往如還何處客，乍前乍後彼橋人。幽花薄命空開落，喬樹虛心自屈伸。病後平生只閑適，笑吾聖世學遺民。默淵曰：前聯奇想天外，後聯清警多風意，共匪夷所思。

莊園養老思悠哉，池水清澄涼自催。樓外四邊皆綠樹，門前一步便黃埃。野翁影隔疎籬過，稚子聲穿新竹來。起揭蘆簾倚虛檻，林端斜照鳥飛回。

默謂曰：後聯清新絕妙，七八句勢健而麗。

莊園蒼樹入望餘，夏日尤宜避世譁。雲似無心遮遠岫，風如有意上輕紗。庭中新菜摘斟酒，林下冽泉烹啜茶。移榻清陰忘暑氣，也看鳥背夕陽斜。

默謂曰：韻聯特不須囉嗦，而筆端頗有幹旋之妙。老手老手。○湘香曰：六首詩境澹冲佳句在在可拾。

苦熱

漠漠炎塵益茆茨，久哉大旱望雲霓。懶容偏思逃暑苦，檐有滴聲喜可知。短褐已濡纏胸腋，流汗拭去窺天色。遙雷忽逐飛電去，急雨終伴流雲適。避寒有法熱無術，依然此身苦彼熱。簷馬不嘶風尚微，蚊兵來襲暑逾烈。殘書倦枕幾欠伸，睡不睡間空吟呻。安傾河漢萬斛水，一洗人間百丈塵。

默謂曰：遙雷二句，寫得驟雨光景，筆亦有奔雷之勢，末尾能學杜法者矣。

夏日雜詠二首

萬木清陰擁小庵，漣漪如鏡綠于藍。園池此處時跳鯉，田圃當年曾養蠶。關外長流琴似水，天邊翠色藻岩嵐。滄桑十歲感何限，留客頻為今昔談。

默謂曰：橋邊閣適，可想可羨。

世塵不到樂郊園，吟興無端這裏存。永日偶追狂蝶夢，鍾情時弔落花魂。階前新竹惹風意，巖下古苔留水痕。移榻綠陰閑接客，西瓜涼味代清樽。

湘香曰：南宋人佳境。○默謂曰：前聯南華蔗境，第八清新可喜。

幽居偶成

松林深處送居諸，老去優游與世疎。心似山人忘曆日，身同隱士伴琴書。晉陽城外時拖杖，娘子關頭不駐車。入夜幽情亦何限，一痕涼月照茅廬。

默謂曰：前聯渾合頗妙，後聯蓋有寄托。

新涼

倦夢偏追水木鄉，窓櫺何物動新涼。夜來風雨聲猶在，吹送塵炎天一方。

秋雨

千林金鐵一時鳴，洗盡殘炎氣始清。驟雨前驅蕭雨殿，涓涓無處不檐聲。

蟲聲

昨夜放來金玉聲，今宵聽作不平鳴。愛秋客是悲秋客，一樣音牽兩樣情。湘香曰：神似方秋庄

送二兒上京

九月四日重雄二十一歲行雄十八歲相携上京兄昨年入學于高等學校弟今年始上旅途時風雨稍劇幸得安抵之報賦此以贈

兄呼弟弟呼兄，二子相携上帝京。堪想胸中無限感，出家初識望鄉情。家鄉相隔日千里，飈車載夢不暫止。乍山乍海暑還寒，茅舍層樓小大市。大都無看不新奇，駭目僅忘別時悲。天馬行空空

艇，吼震軋地地底輻，華駟碧車飛左右，綺羅寶珠連前後。高塔煌煌凌雲欲，金殿赫赫群星走。都市物人大集團，魔手誑言毒心肝。人有反覆物研醜，青春須以白眼看。學海渺茫彼岸遠，世路崎嶇動倒轉。一旦立志出鄉關，學若不成死不返。用成句或恨異鄉少知人，或恐寒境置老親。二子思家親思子，相思東西昏與晨。棣棠競秀世所羨，螢雪同苦吾所薦。嗚呼爾等黽勉期大成，勿誤浮誇與浮

街。湘香曰：良誠言

雨中偶作

一枕新涼一雨過，鉤簾臥見影婆娑。簷聲四面蛙聲止，濺向芭蕉葉上多。湘香曰：亦是宋人好絕句

九月七日小川默淵來訪喜賦以贈

莊園滿地草纖纖，有友惠然敲竹檐。迎此清風銷永晝，借他白雨

掃殘炎、泉邊傾耳幽情湧、松下論心雅量添、鷗社舊盟今寂寞、斜陽分袂幾回瞻、默淵曰、此時係余過訪後一日所寄、似前聯實景、中托真情、有味外之味、七八直敘感慨、情誼有餘

賀山田勝伴歸朝賦此以贈

駕馭鵬翼九萬程、往還太西與太平、孤肩荷來使命重、葵心常向天日傾、國家方講富強策、宇內調查待達識、所以二年間、星霜令君親觀列邦績、列邦偶坐大戰中、山嶽為裂鐵火攻、機砲擲彈爭寸地、千里塹壕血雨紅、飛機相搏轟天鼓、潛艇相襲伏海弩、戰尤烈處作屍山、巨彈將碎巴里府、巴里形勢君熟知、宛遭暴虎敗退時、積財巨億世界富、戰痍正急役後治、役後經營多所學、將定國家長大策、荒涼戰跡見且悉、翻然東天回鵬翼、嗚呼鴟梟已斃後、白濠白米恣暴強、神國前途亦多事、請君細論濟時方、

小川默淵見寄次韻詩仍步前韻再呈

林塘雨霽綠纖纖、遙想高人臥畫檐、百里山河望朝暮、一窓蘭竹閱涼炎、默淵書畫、名蘭竹書屋起雲研海龍蛇走、吐氣詩天蟬螻添、健筆由來向無敵、珊瑚瓊玉展眉瞻、默淵曰、頭聯絕妙好辭、何等雄渾、但過獎不敢當耳

附錄默淵次韻詩

千畝林園綠草纖、高人此裡構高檐、併吞塵海清兼濁、超越世間涼與炎、久濶相逢三願足、閒談共笑二毛添、偏欽古調任毫賦、君是現時蘇子瞻、

贈青山畫史以端溪研一面賦此并呈

孤研伴身二十年、潤之恍訝凝雲煙、吾腸時渴筆不渴、千首萬篇一澗泉、蒼端帶紫認玉色、發墨宛然歛石黑、詩筆從來懲人惡、為擬莫邪誅姦賊、偶見青山無聲詩、贈研不疑更出奇、磨礪傾倒百斛汁、應有蛟龍起研池、

時照居士

笠原讀  
治法名

一周忌法會恭賦

雲圍連嶽野冥冥，滿濕窓幃晝掩扃。剔燭照看紅白菊，焚香傾聽短長經。孤墳留恨苔三徑，疎樹添愁秋一庭。賓主追懷談往事，四檐飛雨酒將醒。

風雨後有作

狂風颯颯捲庭柯，恍訝千軍戰戟戈。天籟初收林徑靜，只看墜葉落枝多。

默淵見再示次韻詩三步前韻

幽居不着俗塵纖，默坐烹茶煙繞檐。醫國未能除二豎，帝城空已過三炎。日懸崖樹秋容現，鳥集園林暮色添。時得郵筒喜無限，瓊瑤幾代木桃瞻。

附錄默淵次韻詩

閑窓終日雨廉纖，點滴丁東聲滿檐。一道商風促新冷，半窓顯氣闕殘炎。好親燈火神堪養，也侶酒觥籌可添。偶有故人瓊玉贈，幾回諷誦積傾瞻。

思兩兒

秋雨蕭蕭濺碧桐，孤燈影薄暗書櫳。遠離半月炎涼別，靜聽檐聲思兩雄。

重雄  
行重雄

默淵見寄三疊韻仍有此作

詩筆相尋三往還，夢魂日跡幾關山。空中樓閣交奇想，一片相思不等閑。

附錄默淵三疊韻詩

庭前孤柳綠條纖，何日毵毵掃靜檐。自憫斗升猶守冷，偏羞櫳櫳競趨炎。齊門鼓瑟頑空在，陶宅撫琴娛未添。安得東籬採黃

菊、南山佳氣仰而瞻。

月下徘徊

誰是臨吾門，月光清而冷，惠然來不言，照夜何幽靜，吾步月同行，已忘在人境，天池風未生，龍窟睡將醒，秋露滴無聲，葱朧老松影。

湘香曰：稍近草柳。○默淵曰：後半四句幽峭，勁拔，俾人起物外之感。

看菊

連日風吹又雨斜，秋涼俄向此中加，無端想起重陽近，停杖籬邊看菊花。

西郊散策

偏想西郊風色清，又乘秋霽試吟行，草蟲先老水車靜，到處農家打麥聲。

西郊所見

茅檐斷續曲途賒，籬畔山堆茄與瓜，不似農家如許狹，今年收穫向人誇。

秋晴遊圓山

秋晴動遊意，移步圓山麓，爲嫌市塵多，間道避擊轂，嚴霜一夜寒，新紅上林木，野色清且靜，泉聲迸澗谷，沿流赴上方，路隘出山腹，穿林拾枯枝，掃石煖濁醪，紅葉三四分，未着吸霞躅，驚禽羽聲低，懸水亂珠玉，此行恨無侶，獨吟驚游鹿，偶有歸樵過，相語且停足，不覺秋景短，夕陽照巖角，老楓十數株，紅於宛如燠，須臾暗林臯，飛鳥同歸宿，慙慙別野翁，林外路幾曲，遠鐘何處寺，郊村暮烟邈。

湘香曰：古蒼遒渾，優入古人畛域。○默淵曰：中腹也是燒紅葉拂綠苔之意，當日清興可想。

後庭觀紅葉六首 節二

將軍筆畫自通靈，霜染楓林紅滿庭，一幅橫披夕陽底，飽看秋色

倚池亭

愛見園林詩趣加，四邊秋色映窓紗。醉來幾誦樊川句，霜葉紅於二月花。

秋日遊圓山二首 節一

新霜染崖樹，茆舍錦雲圍。下瞰澄江靜，間看倦鳥飛。高懷欽栗里，好句愛玄暉。時與老翁語，賞秋猶未歸。

湘香曰：第五承第四句，第六承第三句，詞線完密。

雨中紅葉

不聽乾聲落机邊，錦楓含雨色逾鮮。若教紅葉無相變，溫酒重看夕照前。

奧田松蘿長女三回忌辰恭賦四首

秋颺颯吹過，忽折玉芙蓉。花影如塵滅，淚痕似雨從。寫經藏古刹，裁句弔芳蹤。多感青燈下，悄聞半夜鐘。

九陌蕭條夜，有人忘影形。松風入孤館，蘿月照幽庭。懷玉玉先碎，惜花花已零。焚香思往事，又對讀殘經。

菡花摧墜地，三載不留芬。幾咽悲歎淚，更書哀哭文。鳴蟲弔長夜，寒雨濺孤墳。遙望神威嶺，猶懸一片雲。

仙跡今安在，空齋人不還。香花三載恨，琴机十秋艱。鳥哭菩提樹，雨悲須彌山。燕詩為慰問，浙瀝古禪關。

圓山秋興

墜葉埋溪水，林頭送雁翱。風寒山更靜，人語與秋高。

默謂曰：幽清岑寂，讀去宛聞返響。

秋日雜詠八首 節二

昏鴉翻樹杪，數點帶斜暉。落葉沈池底，付與魚腹緋。

默謂曰：奇警。

圓山紅葉

西嶺冷斜陽，雁行明可數。雲際半天虹，又思明日雨。

萬葉新霜染，無山不落暉。觀來錦楓好，終被白雲圍。

對紅葉書感

春風花開節，擾擾萬肩摩。滿城各狂喜，開宴花下歌。秋霜葉落日，寥寥幾人過。林間誰煖酒，踞石成吟哦。春花是妖冶，秋葉是憫態。惱雨花可憐，傲霜葉可愛。美人真綺麗，高士更清快。想世人嗜好，取外不取內，唯見南蘋筆，不如大痴畫。湘香曰：陶然。

後庭晚步二首

錦楓斜照立，暮靄上軒楹。池底留紅色，尙存半面明。默淵曰：鮮麗如繪。

西山日將沒，林塢鳥歸巢。尙有丹楓傲，餘暉在樹梢。

賞紅葉

楓葉紅於錦，屏繞風聲在。樹憂潦倒，一片翻處萬片從。墜葉繽紛不容掃，惜秋情同惜春情。錦楓何讓花窈窕，染霜葉色真麗妍。映

日葉光更佳，嬌近觀遠眺。無不佳，風前雨後豈不好。只恨千秋葉色同，今年人至明年老。林間煖酒賞殘紅，斜照如燃懸林杪。

晚望

藻岩山色晚依微，想像明朝又雨霏。過雁無聲日將沒，林頭縹縹片雲飛。

雨中烹茶

竹爐湯湧耳先傾，瞬眼過時魚眼生。甯沸銅瓶惹幽興，忘他窗外雨風聲。

惜落葉

太惜錦楓摧，飄風片片舞。開窓見庭上，落葉滋於雨。

觀古流插花五首

幾枝長短古流風，插得床邊白與紅。喜我吟情自然動，一瓶花氣



滿房櫛竹筒三段擗花

一株龍幹幾虬枝，古爪蒼髯趣自奇。只恐荒天風雨夜，高飛雲外

不可追伊吹古木

不待重陽早放香，紫葩黃蕊凝新粧。此生却在陶家外，獨立原頭

恣傲霜野菊

仙姿窈窕隔輕紗，嫩葉黃房自足誇。踏露何須池畔立，坐看床上

小蓮花金蓮花

花名不負勇僧名，一插能支幾月生。剪取亦宜君子佩，葉莖重厚

似瑤瓊辨慶草

論畫詩贈碧巖畫史畫史姓橫地名古屋人妙于畫虎

畫家描形不描神，摹擬自誇成斬新。論畫豈因形與色，筆有通神始天真。評畫不與論詩異，至技所由先熟慮。有聲畫同無聲詩，韻

聲以外要神備，碧巖工畫兼知詩。吾見其畫驚其奇，揮灑定入古

人域，麗清不恥今人師。壁間畫虎呼將起，巨眼掣電真雄偉。只恐

一嘯生溪風，破窓逸去深山裏。聞君遊跡遍韓山，冒險自探虎穴

看，趙伯趙白怒姿劉伯劉石態，形容啜墨寫真還。山川生氣人威儼，作

品超凡稱神品，畫趣都從詩趣來。只教觀者發深感，作詩吾願筆

縱橫，尚恨神骨未得清。訪君欲問真畫趣，看畫初知詩典型。君不

見北溟秋高天寥廓，熊羆咆哮動山壑。踏破風霜叩神扉，古潭明

月共一酌油香曰壁間畫虎以下四句筆有神又曰君不見以下筆路一轉超妙蓋有大家規模

浴中試賦二十韻

唧筒機動颯涼颺，淙淙篲水漲漣漪。墜枝枯葉吐紅焰，溫水甯沸不移時。一浴洗去滿身垢，爽氣如蘇此時思。斜日已掠西窓去，微風不襲衰軀吹。七步卅字疑荒氣，一斗百篇欽敏才。三上構思尋

常事一浴一賦豈不宜，嚴冬曾試熱海浴。溫泉如蒸暖肌皮，吾家曾無硫黃氣。境閑心靜浴遲遲，暖雲漠漠滿室壁。睡氣昏昏上背眉，忽想虛皇宮殿群仙子。霞冠縹渺映瑤池，又想阿房後宮三千女。互競媚嫵流臙脂，明皇八駿遊華胥。娉婷躡雲飄羽衣，玄宗一枕見芙蓉。女去自作凌波詞，好夢雖好多失意。盧生邯鄲亦參差，寒境貧士夢亦貧。僅追少壯嬉戲期，常感面壁九年面如土。又恨牢囚三歲垢埋肌，謂亡父投甲子獄吾詩未成何用有。婢來不覺去不知，入浴移時愈被怪。兒也孫也交來窺，室人又問火加減。湯熱吟苦汗淋漓。

次碧巖詩韻

雁聲搖落楚山秋，萬里風霜滿目愁。久客誰無非土嘆，夕陽獨上岳陽樓。湘香曰好絕句可誦

秋晴

正是清秋風色濃，一行鳴雁藻山東。眼前黃葉兼紅樹，粉飾茆茨入畫中。

賞秋

霖雨晴來日未沈，餘暉一片照園林。紅楓未碎七襄錦，黃菊猶存萬鎰金。池水清澄魚共樂，邱庭幽寂鳥同吟。曳筇無復遠遊意，此處秋妍足賞心。

看墜葉

連日風號又雨霏，秋聲過處掩柴扉。滿園黃葉半搖落，一片纔飄萬片飛。

秋日山行

霜滿萬山寂，帶風蕭颯鳴。白雲離岫去，紅葉逐流行。古木翻鴉影，

小舟遺稿 中  
幽巖迸水聲，高秋搖落節。詩氣自崢嶸，

贈杉本中佐

名弘藤

軍聲震林際，蹄埃漲市中。千兵萬兵長蛇勢，絡繹騰驤嘶秋風。聞說演武三十日，三軍閱兵式全終。斯間暴雨又蕭雨，河水汎濫路不通。跋涉泥途嶮百里，踏來雲樹嶺千重。銃砲聲合轟雷鳴，劍戟光交閃電紅。黑雲如濤濤亦崩，斗牛逸去夜濛濛。鐵心百鍊艱兼苦，只爲邦家忘厥躬。感謝吾人浴聖澤，一枝栖宿值諸公。突如言志公且許，亦是憂邦一片忠。五載西隣亂未定，宇內混沌費折衝。鴟梟已斃大戰止，暗雲深鎖五洲穹。一朝如有國難起，禦侮唯恃蓋世雄。

贈某大隊將校

朝來倏變陰，又晴黑雲去。來送雨聲，原頭閱兵演武了。三軍解隊

歸舍營，街上騰驤百千匹。佩劍鏘然將士行，揭旗送迎表祝意。家留宿捧至誠，堪想三旬馳驅苦。泥濘沒膝穿棘荆，初看砲火與劍閃。後聽天雷與地震，烈風飛石彈如雨。戰聲喊聲擘耳轟，突破山河日繼夜。羊腸嶮路等坦平，與君相語且相慰。天色急變野冥冥，驀然風起飛雹雨。恍訝裂彈當軒鳴。

林純一郎來訪賦此

北海臣民沐天恩，鯁魚來集幾億群。追懷往事真如夢，聞者皆驚作異聞。航路險危潮勢急，拋置天惠久不拾。雷電山怒起妖雲，舟近神岬波倒立。舟航元艱陸更艱，瘴煙蜚雨鎖重關。羆熊咆哮沾山野，鯨鱉飛跳連海灣。歌棄磯谷哀別地，少婦濺來千行淚。狂風激浪塞前途，往者不還追缺翅。鶴影沒邊帆影迷，天空如墨凍雲低。女真韎鞞知非遠，滿目景光何慘悽。城下有人握秘鑰，天堅破

小舟遺稿  
來功卓卓萬艱不辭貫初心藻寄磯巖留逸足新境雄圖拓榛蕪  
百船來往請官符年年漁獲幾千斛樓館居然虎負嵎今歲吾來  
思往昔依然形勝看遺迹巨帆飽孕太平風三千竈煙噪鳥雀爾  
歲祖業尙現存一鄉衆望集林門天邊飛翼鶴成舞機今夏飛家運隆  
昌有淵源

朝鮮騷擾

兇徒暴煽逞焚燒八道雞林乍動搖草昧不知皇澤洽蠅螂揮斧  
向青霄

大使歸朝

前宰相陶庵侯浮槎萬里運神籌頽齡八十荷重任欽仰忠忱超  
世流維塞宮中燦金碧群星雲集幾千百龍騰虎嘯費折衝幾度  
波瀾撼大席英相軒昂佛相顰米首倨傲伊使曠此時日使堅緘

口人種正論驚四隣宇內滔滔混真僞博仁愛弱弄奇智自期鎖  
港強開門白米白濠何怪異讓步毫釐千里差棋局變轉一瞬時  
狼心獅慾提爪銳爭霸樽俎是危機默裡收功侯秘訣濠支反噬  
付一瞥只期秦庭完璧歸誰思吾無蘇張舌君不見米首歸邦口  
舌爛列邦形勢亦太艱老侯歸國不多語皇運隆昌泰山安

時事書感

執戈蠻觸爭宇內頻流血邦國相對峙利端忽缺裂唱霸成戰因  
道理動沒滅試見西歐亂興亡機一髮獨王初企霸盛作正邪說  
誰識烏雌雄萬紛爲力決金權勝兵權豎子爲傑物維塞講和平  
恃強勞詭舌謾言扶弱論戰果歸橫奪鎖港強開門腆顏言語絕  
我爲他所乘不力黜姦譎聯盟難永持雁隨何所屑國勢期恢宏  
君民心守一勞資善協和國內初平秩文運與武備捨華專取實

外情審真偽，事端必精察，不徇驕民制，不容強國喝，收兵彼此無，對獨心胸豁，國策苟持公，萬邦必悅服。  
默謂曰，侵略的軍國主義收邊，而悍戾的金權主義，繼起所謂代暴以暴者，國民豈可不對應之策乎哉。

題高砂翁媪圖

老松雙立鬱葱葱，龍幹蒼髯聳碧穹，浩蕩煙波寄渚際，滿天淑氣彩雲重，松陰二老均壽考，魚水和親自穆雍，未識何人又何族，松華松葉掃除同，常同龜鶴忘其歲，堪羨優遊遁世躬，儻雅人姿似松樹，窈窕樹勢似媪翁，松精化人人是樹，不問真偽況主從，或想地神五代民，又思海屋壽無窮，偏欽人樹君子操，淡味溫情無始終，青蓋偃蹇濃苔色，波洗銀砂海日融，夫唱婦隨偕老契，清風掛在高砂松。

十月二日俳人小國獨嘯庵名韻字別號梧城來訪賦此以贈

俳壇三昧上蕉軒，道破乾坤十七言，獨嘯玄玄嘲俗世，碧梧桐外別開門。

贈青山畫史

僅得天晴作好機，將敲白氏畫堂扉，出門三步返吟履，也坐閑窓看雨飛。

觀楓觀月筵阻雨

滿庭楓樹紅如燃，恰遭三五明月辰，設筵觀楓兼觀月，落葉集林果供軒，好事多魔何足怪，俄下重簾撤青樽，秋雨蕭蕭雲漠漠，日暉月暉兩無痕，嗚呼逐二兔者不獲一，紅葉阻雨月遮雲。

嘲黑白戰

黑蟻混白蟻，相咬互殺傷，白蟻惡黑醜，欲犯黑封疆，黑蟻怒白暴，欲保黑族強，格鬪起各處，終歲萬蟻狂，怪彼自由國，種別爭消長。

我有烏鷺戰，黑白賭一場，其爭君子耳，未流血玄黃。

狀謂曰，比喻巧妙，解人頤一結悠然。

秋日晚望

獨坐西軒送夕曛，幽居堪避世譁紛，天邊雁語後先過，籬畔人聲左右分，柳掛玉盤初出月，山流墨汁暗殘雲，蕭條風色亦添興，一片吟情一盞醺。

次細川碧溪詩韻

新晴思友扣仙扉，相值欣然捲翠幃，堪想清秋吟夢好，一窓黃樹挂朝暉。

蓮花草

青蓋重重含露華，清容婀娜自堪誇，池中菡萏敗殘後，尙向秋陽盛着花。

三吉神社觀骨董肆

吉社展開書畫肆，秋晴恰好飛遊騎，壁間連揭百千種，孰是佳珍孰怪奇，高比文晁富士嶺，低同月僊乞兒姿，擬南宗者多疎拙，學西浙人過色脂，浮世諸家追卑近，末流雲谷見支離，七分山水四季景，塗墨布彩競新機，雖競新機少真趣，恨無一個似大痴，據圖會得作詩法，筆有神韻始真詩。

秋夜

秋寒落葉多，霜滿野蕭寂，雁影掠疎林，澗聲鳴怪石，一天雲翳沒，皎皎水輪白。

訪木村麟太郎

肥遯堪思吾子賢，相逢一笑坐秋妍，丹楓影落玉池底，黃菊香翻書机前，幽靜尤宜人養病，長閑不厭日如年，老交從是加親密，藻嶺青嵐豐水煙。

訪靜雅堂此日強風捲砂

朝來太騷擾，門外颺砂塵。風急難開眼，雲忙欲寄身。林陰默飛鳥，街上走行人。扣牖振衣入，君家穩似春。

晚秋所見

連日乘秋霽，家家從貯藏。鴻聲與風急，人影似雲忙。根菜新霜白，竹叢清澗蒼。馬嘶橋畔路，絡繹趁斜陽。

得良寬書帖志喜

不做畫狂兼石顛，此生從是伴研煙。名僧遺蹟當珍重，一片雲痕落机邊。

南瓜

南國佳禾早播傳，庖刀一下割豐圓。女兒賞味甘於栗，蒸作金黃到我前。

雨中重陽

重陽傾盡酒三觴，床上黃花吐晚芳。試賦催來分外興，任他窗外雨風狂。

又

今年又醉菊花酒，無限幽情忘世忙。齋裡留看籬畔色，獨聞風雨送重陽。

庭前觀白菊

庭前幾株菊，晚節向書檣。清瘦禪僧似，孤芬靜者同。經霜花倍白，帶日葉纔紅。蕭寂秋庭裏，屹然立冷風。

晚秋偶成

秋庭已搖落，節物夢中移。茆屋任蛛闥，柴扉少客推。風過林色瘦，霜滿草容衰。獨有孤芳在，回看伴蝶兒。

晚秋索居

閑居午蕭寂，吾感又如何。窓下開鴻箋，門前張雀羅。林空秋氣滿，葉落夕陽多。終日無賓叩，微吟滄浪歌。

秋夜讀書

讀書二更至三更，窓邊枯坐眼凝睛。書中偶會快心處，打案微笑忘世情。吾形僅類影亦動，露滴林叢秋氣清。靜哉靜哉此時思，爐火埋灰瓶止鳴。家人皆眠呼不答，幸有殘醪手自傾。雲擎秋月冷於水，風捲秋葉颯有聲。

秋日早起

東方微白亂鴉鳴，街上殘燈尙滅明。窓月將沈天似水，瓦霜須卜雨耶晴。寒林墜葉覺秋冷，遠寺疎鐘聽曉聲。幾縷炊煙初起處，城邊車馬已轟轟。

盆菊

盆中天地養真情，三徑幽姿幸未傾。爲恐霜天健康損，翻求矮屋置先生。

看松本判官欸冬野營圖

欸冬稱尤大，秋田獨擅名。北海松本氏，探險用臥行。傘之凌雨雪，葺之充舍營。食之供下物，晚間舉酒觥。偶看判官筆，聊向世間鳴。世稱秋田產，未知北海型。

夜坐

風吹古柳動疎星，天外鴻聲落遠汀。月隱片雲燈影冷，有人清夜寫黃庭。

浴中試賦

一浴試一賦，洗垢又思詩。湯湧思未湧，探腸奈時移。窗外風寒秋



氣滿樹梢雲現夕陽遲，各家忙貯藏，載蔬車馬馳，根菜堆地上，婦女忘勞疲，覆面白布遮日照，垂脚紅裳任風吹，葉根洗換水，纖手凍顰眉，洗土如除垢，寒溫事相違，入浴已久日西沒，烏群來集枯木枝，婦女檢竈驚無火，浴槽溫減不可離，尙有待浴多數者，彼忙我閑謝無辭，翻然想起棊變局，一鷺未脫落重圍。

得故園枇杷喜賦

三千里外寄金華，手插瓶中喜且誇，久客遙思故鄉色，床頭剔燭見枇杷。

吉野幸德來訪喜賦

卅歲親交似弟兄，與君歡語破愁城，開襟共笑論新事，示髮同歎話舊情，園樹尙留斜日影，山雲時泄過鴻聲，寒厨賴有秋蔬旨，爐畔相傾酒幾觥。

敗菊

秋菊敗殘長短籬，深霜如雪碎芳姿，金花紅葉均凋落，忍見陶家零落時。

賀田中常德還曆壽

適材居適所，大業待大器，男子縱橫才，恰如莫邪利，福門多士中，君亦展鵬翅，視子不如親，五才食牛氣，遺言給學資，奮勵繼父志，國運關海運，廿年酬所思，戰難經百艱，行賞賜勳記，一代江湖重，富家比陶猗，嗚呼君善努力，天祿誰思異，今開還曆筵，海屋籌無比，相祝舉太白，頌歌萬松翠。

池中捕鮭魚

雨晴秋水漲，雲破朝曦赫，鴉噪集巖涯，雀飛踰木柵，池波忽作漚，餘勢打岸壁，相告鮭魚來，携罾窈出宅，看魚步步進，潛聲運漁策。

水門先鎖口，提棍塘邊逼。魚似囊中鼠，逐之巧遯迹。或逃落葉底，或匿沈泥隙。石瀨急逡巡，竹竿乍跳躑。驚奔上淺處，藏首猶避敵。身已在網中，銀鱗潑刺白。偶然獲數尾，爨坐跨戰績。聞說樺州漁，一年得數億。更驚勘察州，俯水任手獲。萬木搖凋時，天祿遍天北。

### 秋葉十二韻

獨坐郊村夕，蕭條萬感催。綠雲消作夢，紅錦碎爲埃。樹叫疑猿戲，扉鳴訝客推。葉疎林色改，泉冷澗聲頽。片片從風捲，飄飄任雨摧。閑園掃無跡，幽徑集成堆。智井埋低底，危橋失曲隈。昨思龍田美，今看馬嵬哀。浮水魚追逐，謝枝鳥去來。空山認僧出，斜日見樵回。煖酒想高興，賦詩愧薄才。多情御溝詠，千歲說良媒。

之筆、層層墨墨不入微穿細，而以紅葉爲謀之典爲獲麟收束殊多委致

默謂曰，木葉辭柯之光景，寫以絢爛精緻

### 山茶花

梅前菊後愛山茶，白白紅紅着麗花。坐觀太妙插還好，床頭更見幾枝斜。

### 山東論議

俄富偏誇蟻封貯，自強自賢極跋扈。彼元諸國流民裔，大邦無主民是主。當撰輿臺忽統領，橫暴民心政令苦。未識東洋君子邦，金甌無缺冠寰宇。狐心徒張猜疑眼，狼慾深藏貪斂肚。獨王曾乘西隣隙，目曠東洋畧要所。神兵一擊覆賊巢，守塞綏民兼防虜。征艦破波追兇犀，懸軍萬里懲暴虎。前不尤獨王所爲，後唱中立薄歐土。大戰漸酣投合從，聯軍新加勝敗數。何者姦豎構倨傲，假名扶弱弄嚙語。伊邦先怒皇國續，捲起波瀾巴里府。爾後卑民橫議盛，傷吾面目沮吾舉。咄咄髯奴弄缺舌，好向彼土試吾武。

西比利政府軍不利傳云我有增援議下令信州聯隊

西隣騷擾未全休，魑鬼橫行秣鞫州。恃勢匈奴逞狼欲，潛聲胡虜沮神謀。茫茫曠壤歸烽火，蠢蠢蒼生投濁流。飛電頻傳增援議，馬嘶劍閃信陽秋。

革命兇徒恣暴橫，鄂羅無主奈蒼氓。東遷統領已無實，北伐援軍自有名。狼火燒原坐悽慘，胡塵滿地待清平。堪思將士苦寒大，九月冰封阿歷城。

亡露行

鷲首落兮鷲旗裂，露西亞國忽覆滅。多年惡政所招來，禍機一發何慘烈。魑魍橫行逞兇威，彝倫掃地綱維絕。人無親子無君臣，格鬪相次事爭奪。過激論生紛亂麻，革命戰起腥鮮血。彼得建國三百秋，累世橫暴釀後憂。弄戈掠財幾千億，內加威壓外權謀。不顧怨嗟聲滿地，猥戮不辜爲人讎。虎視眈眈不知飽，四十小邦被畧

收兵馬駢列五強國，版圖跨領兩大洲。聞說廢帝囚僻地，圖維河畔弑且棄。金殿玉屋住賊魁，寶貨舉爲彼所利。下手人是卑穢徒，日夜辱罵無不至。皇后太子共同慘，聽者錯愕皆酸鼻。蠢虜不解天位尊，魑鬼不濺人間淚。十五年前致國難，干戈相見滿蒙間。懸軍萬里調糧食，一條鐵路動大軍。浮海艤艘盡堅銳，二年對吾示強頑。砲聲轟轟百雷怒，天地欲裂塞雲寒。武器精良值賞贊，將士豪勇現定論。西歐戰起纔三載，物資不給幾敗退。民心鬱勃累不平，掀天揭地變妖怪。強奪財物火都市，賤奴集作過激派。滔滔蠻行無止時，餓民相率從赤旆。捕縛閣僚加暴行，屠殺縉紳演狂態。謀首冷忍與魯虺，其性冷刻過渴魑。幾多志士幽囹圄，生靈千萬暴慘屍。赤旗過處漲腥血，強者抗死弱諂隨。狼火燎原數千里，殷紂殘情未足悲。疫癘仆人自有限，鬼虜殺人已無期。大厦層樓失

小知遺稿  
主宰田園荒蕪商工否妻兒別居宜共同家資都歸共產裏所在  
蓄穀充軍糧奪取婦女爲侍婢威嚇小弱振劍銃任意殺傷叫快  
矣脫身陶猗淪流離棄位王侯泣凍餒迫害更令狂奴狂億兆精  
神坐恐惶藐視宗教禁禮拜蹂躪靈地鎖僧坊寺林黯澹鐘聲絕  
袈裟泣血仆路傍僧官被褫其首馘寺領沒收頒豺狼聖像毀爲  
玩弄物巨刹徵作娛樂場不知過激將殘酷其主張也苦捕捉麻  
氏學說見曲解口唱平權事剝剝衆團農工勞働夫政令一出于  
賤族首魁元是猶太民欲除惡政更流毒卑他意深於婆洋自尊  
心高於烏嶽茫茫歐露變賊巢餘波遠向東方搖何料咄咄傳怪  
事同胞七百銜冤消寡兵難防雲霞賊領事死節公館燒當時風  
雪阻尼港水解腐屍江岸漂胡地千里翻旭幟王師百隊下青霄  
飛機蔽天連鵬翼砲彈如雨轟霹靂將士豪勇一當千誓慰冤魂

戮醜敵笑彼故智苦那翁灰燼全市遁江北大戰曾經示武威一  
見神兵乍屏息黑龍之瀾撐可倒興安之巔蹴可擘朔風肅殺金  
鐵鳴沙場無看不傷情只願廟議綏撫策貝湖以東期蕩平急擊  
痛懲寒賊膽不許一敵覬邊城雪吾屈辱如此耳皇威愈遠輝八  
紘半夜賦詩弔亡露恍聽千軍萬馬聲

遙思遠征軍

朔風肅殺起秋聲欬耳聽成金鐵鳴半夜遙思遠征者月明胡笛  
動邊城

送七師諸公遠征

黑龍江水混沌腥風捲砂塵鐵戟鳴俄國無主宮殿壞黯雲深鎖  
野冥冥卑奴倒戈變殘賊王妃遭弑他投阮放火殺人專掠奪虺  
魅渴血謾橫行胡將乞哀求救切阿毘河頭保壘型其奈空拳沒

回策物資全乏訴朝廷、皇軍度海溯江水、一蹴直屠阿歷城、將士  
駐屯滿州里、輝威邊塞旭日旌、想公遠役掃妖賊、汗馬臨風壯喊  
聲、試鍊北溟男子腕、天方寥廓征魂清、一戰踏破興安嶺、再戰威  
壓後貝營、堪想喇叭聲萬里、黑龍出沒躍月明、

早曉發札幌

雪滿街頭天未明、東雲泄曙早鴉鳴、客人已集乘車驛、萬點燈光  
照我行、

然別

小驛初開山谷間、稀疎人住晝猶閑、不知何處有金鑛、馬槥水河  
往又還、

小澤

雪懸崖樹過鴻鳴、山路羊腸爲緩行、汽笛聲聲駐車處、天邊嶽色

始分明、

六鄉

歲晚飈車設臥床、忘他人事太匆忙、袖中出見隨鷗集、坐就明燈  
過六鄉、

寒別川

寒別奔湍響似雷、峭崖冰雪盡瓊瑰、羊蹄山下脇方路、忽貫洞門  
砂石來、

農園雜詠五首

山家積雪封寒夜、絕人蹤、破寂微音大、時鐘似警鐘、  
圍爐僅雙客、開卷到三更、冬暖看融雪、臥聞檐滴聲、  
江山皆舊識、吟侶半新知、人事休多語、自然成我師、  
槥車馳冰野、傾危動欲顛、想他探極艇、水浪續無邊、

吾夢踰冰雪，忽遊山壑中。一聲逢猛虎，拔劍立寒風。

農園偶成四首

朝曦照軒上，神氣自澄清。雪霽千山白，雲收萬壑明。馬嘶送征客，雁戲列奇兵。萬象皆詩料，臨風吟一聲。

早起朝光冷，圍爐語往遊。深叢匿熊鹿，僵木伏蛟蚪。厲鬼跳終歲，蚊兵襲四周。一齊開拓後，田圃聽村謳。

一宿山中驛，安眠到五更。爐紅炊煙直，窗白曙光明。人已庭前動，我猶床上橫。村民皆早起，臥聽馬鈴聲。

農園駐遊迹，三日興娛殊。日暖喘牛母，天高叫雁奴。把杯懷醉李，開卷接髯蘇。起臥元隨意，欲忘名利區。

羊蹄山

高峰拔地八千尺，雄姿屹立鎮天北。朝陽熾灼掛峰巔，下界虺蜺

皆遁跡。太古冰雪蔽屣屣，北邊鎖鑰護皇基。天池湛碧月池白，日暉月暉弄清奇。韎韐女真伏脚下，南與蓮嶽爭憫雅。躋攀何者嘯天風，下瞰肥腴千里野。極月來看雪珊瑚，茆茨掃塵對孱顏。八方玲瓏芙蓉面，萬古秀靈羊蹄山。

農園偶作

門對羊蹄山，江水縈其麓。喬樹千萬株，雲霧不離谷。度江出平原，蘆荻藏熊鹿。周山數十里，天籟奏仙樂。山村俱知安，沿江地肥沃。人家三百強，年年天恩浴。農園吾所營，百姓皆惇朴。相語開胸襟，宛如主從睦。百里隔關山，仙夢追野鴛。今歲鐵路開，颺行疑地蹙。時維極月旬，三日園舍宿。冰雪滿山河，林木盡瓊玉。朝起天朗晴，仰見玲瓏嶽。雁影江上翻，寺塔抽林綠。一條官道明，人家斷又續。輻車南北走，多是輸菽粟。其間颺車來，破寂聽軋轆。園內幾茆茨，

小知遺稿 中  
歷歷環篠竹，某山與某丘，終日費眺矚，夜間更幽靜，圍卓傾新醪，笑語數震堂，談論幾別燭，回顧十數年，僵木藏虺蝮，蚊兵四來襲，厲鬼頻吐毒，經來幾艱難，成効受天福，欲歸人泣岐，情誼真感服，所祈勤儉康，相顧屢停足，回看羊蹄山，雄姿何巖矗，天風吹冷冷，人間忘榮辱。

上歸途

驛頭分袂各歸家，左顧右眺飛雪斜，半日縈迴高嶽下，山腰尙被白雲遮。

過俱知安驛

蜿蜒似長蛇，火車飛冰花，新線連舊線，下車又上車，名山高聳名驛外，河水如箭繞翠黛，千戶炊煙漲大空，天邊白雪照下界，從是直行向幌城，遊蹤如夢夢難醒，江山迎我又送我，征裝去來三日

程，明春雪解鶯花節，再伴妻孥聳吟骨，彼是新知我舊知，共向大嶽謝疎濶。

過余市

颺車不識客人情，僅駐三分復進行，海色欲消西日沒，玻窓遙望

萬燈明，

第二女，嫁在余市林家，故起承兩句及之。

車中逢丸山代議士

丸山名浪彌

會場正議拔群鮮，政海航來知幾年，一夜同爲車上客，笑談重結舊因緣。

輕川

手稻高峯浴夕暉，皚皚冰雪照征衣，翻思避暑光風館，半日清遊帶醉歸。

琴似川

浮雲來去雁歸遲，煙樹蒼茫天一涯。流水和琴琴似水，何人此處寄幽思。

冬日閑居

老身無事足優遊，日已三竿初下樓。取暖爐邊評雪月，消閑机上讀春秋。醫門一閉謝患者，幽室三間想楚囚。只喜家人皆早起，厨婢已調菜魚柔。

風雪聲

何者出來何者鳴，颼颼掠耳滅還明。無端想起海樓夢，風雪聽爲風浪聲。

曉夢

明月照無涯，朔颼號樹杪。深宵冷枕衾，獨立風塵表。忽思廣寒遊，雲梯躡縹緲。漸攀不二巔，脚下冰晶晶。河漢凍不流，飛瀑懸巖篠。

仙樂聽瀏亮，嫦娥看窈窕。可仰不可近，憂心又悄悄。倏值天風吹，沼池瀾欲倒。一落八千仞，夢醒雪窓曉。

初雪

風叩寒扉終日囂，滿山落木轉蕭條。回看錦上添花美，紅葉殘邊白雪飄。

風雪

曉來風勢猛於虎，林木狂鳴何擾擾。欒坐爐邊腹背溫，煨芋啜茶食先飽。防寒一策如斯耳，兄弟姊妹姑又嫂。讀書吟詩閑可消，聽琴看繡無不好。座邊新紙數葉集，世態百般看已了。忽聽浴槽湯湧來，夢魂時向熱海遶。去歲子遊熱海肌皮已暖不覺寒，賦詩幾篇寄吟僚。回看窗外日將沈，寒鴉相依枯木杪。

檐聲



飛雪堆三寸，解成檐瓦聲。涓涓千萬點，自是瑟琴鳴。

繡毬

織手纒取五彩絲，晴軒加刺背翠幃。繡毬已就美於畫，打之受之動蛾眉。迴轉如舞幾上下，花眸凝視巧笑瑳。嬌喉唱出一曲歌，紅袖飄香春日麗。君不見明皇打毬八姨從，馬嵬悲慟春夢中。長恨君王用楊李，紅淚何讓繡毬紅。

雪聲

同雲乍崩雪花翻，園樹掃清成別寰。密灑方加竹櫳暗，輕敲未破畫樓閑。蕭條雁影迷寒塞，淅瀝林聲滿僻關。風起斜斜飛白箭，玻璃窓憂玉響珊珊。

寒夜思遠征軍

俄國山河屬阿誰，崩壞朽木不可支。旭旗過處前無敵，虺鬼魍魎

忽匿姿。昔時交通肅慎國，許我貿易加戒飾。朔風凜冽外藩荒，無端被鄂羅蠶食。左衽文身古夷風，變化羶臭紅毛紅。好殺戎首又遭殺，兇賊橫行烏嶽東。狼火燎原何時止，王師度海鎮遠邇。興安嶺西壓貝湖，興安嶺北倒龍水。君不見阿虎風雪揮鐵戈，何如今軍艱苦多。邊塞四面皆冰雪，人馬將凍錮山河。寒威如虎風愈急，胡笳聲悲胡人泣。旭旗屹立極光邊，偉功永錄凱旋塔。

詠近事三首

大戰獨軍敗，國情極慘悲。王侯棄尊位，教政失威儀。億衆危生命，四疆絕物資。近聞維納府，糧盡噉人屍。

西歐亂纒歇，天下集愁眉。戰勝邦疲弊，歲豐民凍飢。罷工財主苦，無策黨人危。穀價高於璧，歎嗟說向誰。

歐淵曰：後半頗有新意。

維叟扶弱說，應響惡因緣。夜暗消燈火，歲寒空竈煙。妻兒悲凍餓，

司職苦周旋，罷業工場慘，凶煙赤漲天。默淵曰：起手著眼警新。

歲晚雜詠七首

杯盤從恒例，圓座欲迎新，用意供饀酒，謝恩便佛神，床頭白梅萼，

門外翠松筠，錢歲歡聲裡，全家十五人。默淵曰：清福真可飲。

光陰擲梭似，厭見鬢邊華，瘦竹驚風動，老梅惱雪斜，須期神骨潔，

難抗馬齡加，詩酒守窮歲，優遊忘世譁。默淵曰：前聯後統神骨中寄無限感慨。

少壯軒岐學，自期三載遊，江山駐吟履，風浪阻歸舟，日接東西客，

時登彼此樓，舊知都寂寞，未敢賦刀頭。默淵曰：七八僕亦同感。

天北窮陰坐，峭寒寐不能，蝸廬錮堆雪，龍澤鎖堅冰，失意萍蹤客，

厚情蓮社朋，離鄉卅餘歲，百感守孤燈。

功名煙過眼，萬物易衰殘，世俗嘲輕佻，人情罵苟安，半生狂蝶恨，

百事敗荷歎，素志空成夢，悵然倚暮寒。默淵曰：氣格風調共老勁。句法章法略似杜工部。

天涯老窮客，歲月又崢嶸，耐雪欽梅意，隨風憐柳情，世皆功利競，

邦正戟戈爭，白眼誰同我，爐邊一鼎清。默淵曰：領聯句健韻遠有餘意，一精悠然。

倥傯年將盡，大雪壓茅茨，鬱鬱窓櫺暗，團團竹樹垂，天寒人共老，

巢錮鳥同悲，債鬼應難到，袁安笑捻髭。默淵曰：後聯奇峭七八善讀解人頤。

大正庚申元旦賦得田家早梅

春回竹外兩三枝，疎影幽香入茆茨，連歲豐穰億兆喜，花前酌酒

聽黃鸝。

又

茅屋迎新正，團欒祝太平，融融望春色，穆穆見民情，瑞靄擎紅旭，  
惠風入素英，鐵幹蘸新水，瓊枝引早鶯，清香軒上動，疎影簾間橫，  
歲豐民鼓腹，梅畔醉椒觥。

又

梅畔迎新歲，橋邊淺水清。幽香一籬動，疎影百枝生。九臯仙禽舞，孤山桓笛聲。團欒把杯祝，初旭照瓊英。

又

野水潺湲處，殘星數點明。寒光何的爍，疎影乍縱橫。老幹擎初日，纖枝引早鶯。南園偏守分，東閣豈希榮。幸避風塵累，長怡父老情。竹籬茅屋底，青帝駕先迎。

一月八日早曉發札幌

以下十四首  
余市往復小稿

街上漲流澌，東西車馬馳。殘雪斑斑半融解，夜來蕭雨欲晴時。千山萬嶽邈如睡，薄霧橫邊望曙曦。

琴似

乘車先喜旅行安，指點遙郊調馬壇。石瀨那邊琴瑟似，滿眸風雪水光寒。

輕川

雪嶽重重天欲晴，平郊十里曉煙橫。驛前堆積皆菟草，處處相呼牛母聲。

錢函

數點群鴉翻大空，四邊殘雪白濛濛。平沙十里海波碧，無數茅茨蟹雨中。

小樽港

海門揚浪吼寒飈，港內林檎影動搖。車客何知新歲趣，坐聞窗外雨蕭蕭。

鹽谷

飈轉通過洞裏天，海聲漸近鳥飛邊。一條官道絕人影，雲外山峯雪色鮮。

着余市林家

輕裝來訪海鄉春，隔岸連山雪色新。坐見白帆懸遠近，閑鷗夢穩碧波津。

發余市

二日行程一往還，朝來風雪滿關山。臨岐不濺別離淚，逢會相期旬日間。

蘭島

一望荒磯日色濛，浪花崩壞島西東。怪他海岸佳風景，空委寒煙蚤雨中。

小樽停車中偶作

新政百事期更新，何圖舊套未知春。中央驛上駐客足，時鍼卅分錮。鸞輪時是金也，誰不惜，況亦歲首無閑人。圍爐喫煙語無友，吳

越同車頻欠伸，飛雪撲窓珊珊響。寒風吼似猛虎嘖，倏忽警鐘破寂寞。東方有火揚煙塵，人馬狂奔忙消火。真是一幅活寫真，風雪愈加火愈急。黑煙紅焰漲穹旻，異變偶免睡魔襲。寒天逢災堪傷神，鸞輪動時火勢滅。沙際濤聲傾耳聞。

朝里

數十人家沿水隈，洞門一過別天開。鸞車客擬仙楂客，前度漁郎今復來。

車上觀瀾

車上觀狂瀾，恍疑群鯨奔。洪濤潛聲急來襲，嶮崖拍岸忽發瞋。千波萬波來續續，所觸岩巖皆吐吞。浪華朝天翻白雪，鬼愕欲飛百雷喧。猛颺吼處倍得勢，十丈絕壁揚潮煙。幾處雪崖廣又狹，一所一所皆異觀。築臺觀瀾世所羨，何及車上隨意看。須臾陽侯收怒

封姨死密雪撲窓響珊瑚

着札幌

相逢相別太匆忙，二日行程夢一場。着驛停車暮煙冷，滿街燈燭已煌煌。

歸後寄林家

以上余市往復小稿

新歲訪高館，蓼蓼城鼓喧。一望海波靜，帆影出入繁。東岬青草發，前峰白雪殘。俯仰興不盡，笑語至黃昏。不翅酒肴美，歡待情太敦。春寒圍爐火，錦屏繞蒲團。花氣氤氳暖，盆栽奪目薰。彫籠囀小鳥，彩翎懸高軒。風流談無盡，更出書畫看。流麗推波響，絢爛賞淇園。一蝶與豐彥，才氣亦超群。更有梅痴筆，氣象溢紙端。一泊暖房裡，轉令客眠安。朝起天色改，窗外雪紛紛。轉眼看海上，壯觀奪心魂。猛飈捲激浪，海號雪浪翻。臨岐更一酌，車馬送吾還。搖搖與體愜，

垂帳避風寒，歸來告妻孥。何以酬親歡，聊將詩章紀。欲請一笑觀，

送兒武雄上京

翔天翼成日，未識處世難。臨別加訓誡，表情說一般。多年研鑽苦，學就更多艱。邈邈青冥遠，雲梯不易攀。嶮崎要往路，風雨阻前關。或嗟世情惡，結托動乘間。或恨人心僞，勤惰不別班。他排與緣引，常弊為世癩。萬事從定分，尚有不測患。誰言運生會，時駛天亦堅。百歲匆匆過，桃李花闌殘。學究待氣銳，用心在紅顏。努力日繼夜，至誠通天竅。鵬搏九萬里，丈夫須加餐。吾無功名念，守拙掩柴門。千載深情在，遙望白雲閑。

默謂曰，詳詳之言，切切之詞，說得處世真訣，至矣，盡矣，而一結悠然收束，有法。

七月廿六日次男武雄被授農學博士喜賦

積學多年業，成功期不違。鴻書盡稱賀，茅屋忽添暉。鼎調金丹異，管窺蠻觸微。前途任亦重，更奮闡神機。

第五六句云化學及農學黃庭堅詩云欲換凡骨無金丹○默謂曰默謂字古意新真

是有點鐵成金之妙

同日偶成

養老莊園避汎交，輪蹄不到掩衡茅。一家樂坐傾杯酒，笑見燕兒

出舊巢。

默淵曰：落句餘韻，嫌微饒委致。

謝小川默淵見寄賀詩次其韻

講學多年勞厥躬，聲譽賴使我名隆。由來大父儼遺訓，一一移成

誠兩雄。

默淵曰：義方有由來，今日聲譽不偶爾，真個可飲。

又

過賞兒榮奈此躬，感恩無語想蘇隆。賀詩珍重比金玉，一幅裝成

付兩雄。

默淵詩轉結曰：蘇家千古稱雙秀，不及高門有兩雄。

謝奧田松蘿詞宗見寄賀詩二首次其瑤韻

北溟雛鳥羽成時，堪謝賀章與兩兒。位記今朝下文相，學究十歲

守書帷，菲才縱缺倚天劍，銳氣方均刺膝錐。填海小禽猶有願，不將狂放損天資。

微衷何以答明時，代已獻芹期兩兒。不許精神費無用，偏希學問致良知。所欽孟母垂恩厚，豈擬王家下訓宜。宛似盆中種蘭蕙，朝昏培養喜怡怡。默淵曰：命意造語，共自在，老手老手。

附錄松蘿詩

逸見小舫先生，有男女數子，悉無不桂質蘭種矣。昨長子文雄君，被授農學博士，今次子武雄君，又被授同學位，不啻一門之盛事，亦可以謂闔鄉之光榮也。乃賦呈小詩二首，聊以表賀意。

卅年庭訓豈空移，始見此親兼此兒。學界至珍雙璧出，士林明鑑一家知。石泉迎月聲逾遠，松樹經年色益宜。遙憶乃翁憑柱

處葡萄美酒醉怡怡

穎脫塗鴉算豆時，垂髫已見寧馨兒，潛心萬卷居顏巷，研學十年下董帷，博識無涯浮舶海，鴻名四達出囊錐，從今方好新知見，筆耨舌耕爲世資。

武雄書到有此作

書曰：魯中假寓于富士，見軒三階樓。

芙蓉峯聳宿雲收，滿檻清風氣似秋，不識人間通與塞，自由伸脚臥高樓。

默謂曰：元龍意氣，寫得而筆亦豪矣。

失題

驚浪如山打鐵欄，舟行加處望茫漫，扶桑遙在濃雲外，九萬鵬程回首看。

發札幌

以下五十首小遊稿

積雨初新霽，單裝上旅程，雲收山色碧，日暖鳥聲清，距市千家遠，

入村一望明，颺車僅鳴動，早已過琴輕。

錢函村

數十茅茨翠壁隈，回頭一碧海天開，玻窓喜見千波靜，磯外白鷗飛又來。

鹽谷山道

偶爾車窓賞衆芳，黃黃白白媚秋陽，千山未着新霜色，却見野花隨意粧。

余市

魚蟹富饒無匹儔，全莊生計在漁舟，連山透邇一灣碧，鷗背分明林氏樓。

默謂曰：後半寫景鮮麗，若畫圖。

然別

往到銀山側，蔦蘿已報秋，奔川繞山急，幽樹沿溪悠，元是無名驛。

誰思屈指郵，何邊人掘鑛，煙火滿林邱。

### 小澤隧道

一聲加警笛，颺轉繞山邊，熟路猶欹耳，穩床不聳肩，洞中惡風氣，車外黑煤煙，燈火偏添耀，神疲不敢眠。

### 六鄉

五穀穰穰感不禁，六鄉野色布黃金，却思霄漢烈寒氣，回首大山雲帽深。

### 遊脇方鐵山

滿目赭黑石皆鐵，鐵鏈一下山欲裂，轟轟響聞溪谷間，硨磲崩壞林木折，魑魅失魄山神驚，看吾快舉叫咄咄，掘鑛日輸三百頓，二百人家築倏忽，颺轉竭來堆物資，形勝居然部落別，吾來中秋之望前，板橋新霜白似雪，幾條寒泉迸淙淙，集作奔川洗岩樾，萬樹

已受青女惠，四分紅葉現錦綴，登攀山腰至山頭，天風謾謾吹衣

襪，開來瓢酒探吟懷，遠近紫翠聚一瞥，高峯玲瓏天一方，雄姿巍

然摩天闕，鐵鑛轉落大地鳴，無雲又聽轟雷烈，賦謂曰，起手雄驚中，賦新舊對照至妙

### 東俱知安客中

曉上書樓先拂塵，煙雲四散氣清新，一尊有酒與誰酌，檻外高峯是我賓，賦謂曰，有此佳賓，何必憂無友

### 客中偶作

大戰揚國勢，政策多變更，黨人眼孔小，百事傲米英，物價日昂騰，年豐餓孳生，凌弱尚可忍，國力奈退嬰，偶傳尼港慘，醜虜何暴情，同胞七百者，吞冤仆犧牲，未聞征虜策，曠日失邊城，又傳排貨擾，呂鼎問重輕，怪彼唇齒國，頑冥將不靈，更有排日蔑，紅毛忘聯盟，博愛同嚙語，自由義不明，老相長廣舌，自欺缺赤誠，責任不識負。



閱牆無所停，朝三暮四命，只徒釀紛爭，難押鬱勃氣，且向溪山行，  
白雲遮俗界，淙淙澗泉清，喬林連千里，虬枝自縱橫，筴杖穿幽邃，  
林間珍禽迎，偶與樵夫會，相語忘利名，看他屹揮斧，斧下響丁丁，  
餘師存此裡，優柔都無成，寄語當局者，請聽割木聲，  
賦謂曰：真個微世之，言斷案殊推警新。

溪山散策

跋涉溪山路，勝情忘利名，卷舒雲有態，屈曲水生聲，巖壁蘿苔古，  
木橋人馬明，停筇且拾句，不覺日西傾，  
賦謂曰：前聯絕妙。

對羊蹄山

駐足名山下，孱顏臨我家，邇遐稱重鎮，天地萃精華，嶺雪清於璧，  
郊煙薄似紗，對看纔數刻，乍被白雲遮。

雨中出遊四首

山間求路步林丘，煙霧白濛阻水流，村店傾來數杯酒，一蓑衝雨

亦風流，

山橋欲度雨聲多，倏忽狂風捲笠蓑，溪水宛爲奔馬勢，巖巖橫處  
白揚波，

一瞥溪山何快哉，橫披一幅畫圖開，忽然煙雨弄奇巧，淡墨抹消  
前半來，

一蓑衝雨步樵蹊，將度淙淙幾曲溪，紅樹梢邊晴色見，斜陽又已  
照峰西，

赴岩內車中所見

偶聽風聲似雨聲，車窓回首候陰晴，天邊嶽色未全定，一半煙雲  
一半明，

前田

榛蕪已拓隄，村煙夾路黃雲盡，稻田鳥雀群飛斜，照裏盛觀不復

舊時天、

宿南河旅館

偶訪海鷗飛舞天，三層樓閣帶潮煙，偉觀似舊人非舊，不見館翁

十八年，前翁去世十八年於茲

訪荒川又次郎

平生高誼感恩深，溫厚如君少古今，相對俱憐鬢邊白，一燈語盡十年心、

岩內港

高峯崢嶸臨青灣，幾百船車往又還，堪想漁期人氣別，長堤築在白波間、

望雷電山思蝦夷歌

雷電山色黯澹惡，凍雲低迷海如墨，孤舟將發繫在洲，沙際少婦

泣且仆，來年來矣來何遲，神岬風浪不可測，伴吾恐觸海神瞋，餘

哀永想磯谷昔，默淵曰，語簡意長，亦是好樂府矣

再赴東俱知安

數日逢煙雨，上程天又晴，朝看海波碧，夕聽澗泉聲，浩蕩鷗邊夢，蕭間雲外情，閱來山水美，髣髴畫難成、

傲蝦夷歌

黯雲未散舟解纜，少婦哀極心欲亂，送郎送郎到歌磯，磯邊白鷗飛且疑，噫嘻神威岬，世恐海神窟，吾往彼命危，不往奈此別，俚謠傳哀欲斷腸，情緒長於舟纜長、

八幡祭九月念五例祭

雲光黯澹欲黃昏，萬點明燈嶽下村，五穀有年民狀穩，社頭簫鼓拜神恩、

觀谷地川柳

幾株垂柳小川傍，密密疎疎萬縷長。一段風情少人識，曾無佳句出漁洋。

詠秋柳

風絮顛狂夢一時，如今管否別離悲。新霜減却萬條翠，疎葉何遮月姊窺。  
秋澗曰：輕薄雅淡與漁洋秋柳四首併可誦。

農園偶作

探勝何用出門勞，滿目晴嵐入兔毫。三尺書樓興非小，坐看大嶽當軒高。  
秋澗曰：從太田道灌國風換骨奪胎來，脩然吟懷可想。

四季併觀歌

踏盡白雲到羊蹄，一望郊原路不迷。千草着花花爛漫，清香迸處蝶舞低。日暖宛疑春風至，翠衣小禽發嬌啼。原頭巨樹鬱葱綠，紫

回山腰埋千溪，幽邃尤宜消夏計。幾條懸泉吐彩霓，山腹霜飛染萬葉。滿目紅楓欺錦綉，不容賞秋停車客。唯見丹霞映霽雲，山頂皆雪玲瓏白。天寰咫尺高仙梯，已為嚴冬寒凜烈。屢屢冰結似素圭，一嶽併觀四時景。吟情難押迷野蹊，一嘯不覺出家遠。天風冷冷日傾西。  
秋澗曰：秋多光景寫得尤瑰麗。

地神祭恭賦 二十七日

北海黎民受神恩，經營新土不辭艱。拓來榛蕪從耕耨，衣食已足養兒孫。五風十雨亘連歲，穀菽穰穰滿田園。齊仰威德垂無限，恭敬崇奉表心丹。維時九月念七日，奉供餅酒太乙壇。一天無雲秋陽耀，高丘翩翩翻彩幡。老幼皆會同拜跪，且見嬉嬉語又歡。嗚呼神之子，今在此。願永加護各家安。  
秋澗曰：兩堂滿筆汗邪。滿車田家歡聲宛在耳。

田園雜詠六首

初疑飛雨後遙雷漸覺風機動拂埃朝起聞來唐簸響纍纍麥粒積成堆

吾愛田家惇朴情割瓜焙黍互相迎旬餘停足未歸去既馬嘶邊笑舉觥

纍纍霜甲運軒南集積成堆一兩三地上平敷數枚蓆晒來巨豆大於蠶

三五壯丁何所營手揮棍棒似操兵地鳴元是大平象傾聽家家打麥聲

車聲唧軋水淙淙精麥場中暫寄蹤嘶馬西風秋欲老歸途更見夕陽春

村家人定夜蕭森林樹無光月影沈體健壯丁就眠後猶聞厩馬嚼菊音

默謂曰敘事入微穿細田園定景若諸第五首春字妙甚良匠苦心可想

吾愛田園好四首用麻韻

吾愛田園好悠悠歲月賒閑雲自來去野客盡柔嘉境靜觀添興神清思去邪江山恣吟嘯不復想榮華

吾愛田園好幽閑避世譁心倦挑甜菜喉乾啜粗茶逢農尋菽麥伴客訪煙霞天恩周雨露未敢發歎嗟

吾愛田園好俗塵無襲家挑簾對西嶺開卷讀南華麥飯盈飢腹蔬肴護老牙時聞水車響終日接清霞

吾愛田園好優游送世華凌飢嚼唐黍醫渴割西瓜雞犬呼知主桑麻種護家居常皆簡潔不復識紛奢

默謂曰吟哦鼓腹洋洋乎盈耳哉

秋郊彩霓

不識天工將鬼工陰晴巧弄一籠中半天雲破斜陽麗忽見玉虹架錦楓

默謂曰詩亦與天工爭奇畫手不及

賞秋

昨聽歸樵促曳筇，吟情好往賞秋容。四山霜葉色深淺，滿目雲林影淡濃。石澗泉流琴瑟奏，鹿蹊枝塞蔦蘿縫。宛然身在畫圖裡，誰筆擬成黃一峯。默淵曰：一峯妙手，恐不若此有聲。

山驛對月

偶逢三五夜，吟客若為情。屋外叢蟲咽，天邊輪月明。枯蘆負風戰，殘菊帶霜橫。浙瀝山村宿，開窓獨把觥。

雨中羊蹄山

朝來蕭雨暗軒前，不捲疎簾日似年。山麓纔存翠微色，天邊大嶽鎖雲煙。

雨中口占

嶽色空濛帶白煙，秋風颯颯雨緜緜。怕他泥濘深於尺，歸路明朝

馬不前。

上歸途四首

旬日為賓主，茫然吾欲還。高山如惜別，雲袖掩孱顏。默淵曰：落句造語太妙。

高山影逾遠，煙雨滿歸程。自是仙凡別，奈吾縷繾情。

飈車載仙夢，遠破白雲歸。雞犬村閭近，林端帶日暉。

下界何騷擾，塵炎惹恨長。魂飛紅葉里，夢繞白雲鄉。

自題稿後以上小遊稿

吾無豪宕陸游才，自養天真吟且哈。曳杖時追韋柳興，澗花林石

拾詩來。默淵曰：吟懷豁然，陸游避三舍。

笠原禎治三周忌辰恭賦

君已歸道山，音容難再接。人間作優曇，三載恨不絕。吾聞無量壽，大慈拯無泄。寶龕香炷前，一座追思切。牖昏雲影籠，衣重淚痕滑。

唱名拜彌陀，祈願君安佚。英魂知不知，秋風吹颯颯。

席上更得一詩

龕前拜跪聽經文，法會三周所感紛。佛子頻談彌陀德，詩曹獨想  
故人勳。滿林墜葉逐秋水，一帶行雲阻夕曛。瓶插先生遺愛菊，年  
年依舊放清芬。

訪佐佐木船山分韻得魚四首

入門忘暑熱，水木繞僑居。青嶂遠如近，白雲卷又舒。夢醒幽興湧，  
吟就世情虛。却想黃昏月，婆娑竹影疎。  
疊嶂環雲壁，綠陰涼有餘。境幽無俗累，心靜讀仙書。啼鳥時窺戶，  
歸樵或過廬。石橋斜照裏，留杖數溪魚。  
偶得林泉友，敲詩憑小廬。雨過苔徑冷，風動竹窓虛。遠樹嵐光薄，  
前峰雲影疎。長閑忘日暮，又對讀殘書。

西山日初沒，幽趣復何如。四壁蟲鳴處，一庭涼動初。石泉聲寂寂，  
風竹影疎疎。世念都消去，彈琴嘯太虛。

大正辛酉元旦賦得社頭曉

華表殘星澹，凌晨謁闕宮。神燈仍煙燼，苑樹自龍葱。鳳鐸風微觸，  
玉階霜未融。伏惟威德大，轉使國家隆。遵奉祖宗訓，宣揚文武功。  
鼓聲時破曉，日出海之東。

又

改曆迎新歲，殘星少閃空。祥雲漲蓬島，瑞靄繞珠宮。肅肅望高廟，  
惶惶拜崇墉。社燈光燦灼，苑樹影葱朧。畫棟風猶冷，玉階霜未融。  
靈鳩飛帳外，仙鶴唳林中。伏惟神恩大，轉教邦運隆。皇謨愈恢廓，  
衆狀自雍容。破曉蓼蓼鼓，東瀛初旭紅。

答人

功業吾無百世傳，夙將榮辱付雲煙。輪蹄不到筆門靜，白髮蕭騷六十年。

余市訪林家

行到余灣盡處汀，提携妻女叩仙扃。煙波萬頃夕陽麗，晴嶂千重春樹青。雲氣通窓山是郭，潮聲繞檻海爲庭。風光佳處謝歡待，何耐明朝別此亭。

蓬萊亭卽事

高閣堪傾琥珀杯，群仙此日集蓬萊。翩翩翠袖奏何曲，春雨嬌聲鶯宿梅。

朴疇恒號彼硯來訪有詩次其韻

畫皆溫雅不留塵，詩是清奇句句新。莫怪相逢如舊識，一宵談笑見精神。

彼硯詩曰：儀形灑落出風塵，句句清圓語語新。半响雅談多厚誼，孤雲萍客慰精神。

題朴筱硯畫蘭

芝蘭畫成處，座上動清芬。墨氣何蓬勃，帶來韓嶺雲。

筱硯再來訪賦此以贈

日長催睡處，推案聽梵音。看畫忘塵熱，賦詩憑樹陰。山光動簾底，波色落亭心。萍水談無盡，清風和素琴。

思朴侯爵名永事蹟賦此以贈

雞林八道日無寧，義舉當年期世醒。懷劍荆軻滿鄉土，誤邦秦檜擁宮庭。孤忠憂憤赴東海，多恨流離入北溟。走卒猶知侯事蹟，扶桑留得姓名馨。

送朴疇恒上歸途

茆屋迎韓客，遠踰海山來。瀟洒貴公子，芳蘭不着埃。好詩兼好畫，乘興穿青鞋。相值欣高識，相論驚偉才。朴侯慷慨士，夙稱開進魁。

思君侯親近、時蒙燕雀猜、天恩洽八道、未免出兜傀、善導蚩蚩輩、  
須除國家災、又思西歐亂、大地蔽腥疢、死傷四千萬、消費巨億財、  
一旦成和約、大勢向東推、由來國際事、時似不羈駘、國交一斷絕、  
忽令燃死灰、熟慮共存義、須勉國力培、君言漢文字、深遠不可排、  
漢學沈衰後、人情日險頽、吾儕素同感、深爲國家哀、世潮追新想、  
士氣動欲摧、近傳字制限、短見亦奇哉、駸駸文化進、反望字量恢、  
若夫忠孝教、元氣所胚胎、政道依以起、國運依以開、唯智求歐米、  
道宜從舊裁、炳乎明詔在、道義無兩材、拜讀教育勅語、句句甚  
書經、故知日漢無差也君聞而首  
肯、共作輟然哈、臨岐且寬恕、不覺傾老懷、

時事雜吟四首

都城灰燼不留形、風雨宵宵鬼火青、七百同胞有遺恨、黑龍江上  
帶餘腥、

黃龍已斃萬蛙狂、四百餘州血淚滂、大厦不修風雨漏、却教他手  
繕門牆、

黑雲遮日影昏昏、千艦示威金港門、山北山東如失守、嚙臍悔起  
自蕭藩、

一片妖雲彼岸生、囂囂論議亦縱橫、霞關諸子若勞策、傾耳先聞  
萬衆聲、

述懷

白髮蒼顏六十翁、此身老矣奈微衷、思潮變化何其急、時運推移  
亦不窮、醉跨青牛機已逸、泣追黃犬夢將空、平生濺淚邦家事、莫  
怪疎狂語氣雄、

次松村半川躑躅花前書二十八字詩韻

嫋嫋春風日似年、花前置酒醉陶然、羨君詩句多仙骨、不是樊川



便樂天、

題赤壁圖

誰是賞清夜，扁舟赤壁橫。周郎千載火，再起洞簫聲。

夏夜

追涼出書屋，叢竹露華濃。月下憑吟榻，濤聲起萬松。

江上所見

江村暮煙散，月白古楊條。舟過驚禽起，蘆根浪動搖。

尾原亮太郎見惠其著思想問題研究賦此

世傳忠與孝，大道沁人心。歐化何爲者，斯文赫古今。

觀金魚

水清荇藻綠，玻器錦鱗鮮。兒女分涼味，歡看机案前。安分有此盆池好，人間何憂天地小。

竹窓口占

月照中庭露氣深，滿窓清影夜沈沈。無端想起小山句，却見婆婆

修竹陰。

小山句云，尋常一綠窓前月，纔有梅花便不同。

早涼

漠漠塵雲壓碧紗，揭簾涼氣透輕羅。青蛙喚起蕭蕭雨，雨向梧桐

葉上多。

中秋賞月

時義弟晉自朝鮮來同遊

踏來海山雲萬重，中秋明月賞觀同。蔬肴待客兼招月，設宴那邊  
愜寸衷。先向庭中曳雙履，千草帶露露華濃。叢間衰蟲聲如咽，處  
處松柏影葱朧。更向池上見前岸，月臨漣漪光不通。水禽破夢頻  
驚起，萬條楊柳夜冥濛。庭中池上皆不好，觀月長天無全穹。急上  
高樓倚虛檻，擎來玉盤海之東。曾無片雲遮眼界，皎皎月色滿大

空兒也孫也叔又嫂賞觀相集一堂中果穀供軒酒上膳月下相  
斟樂無窮夜愈深而月愈白紛囂已歇清徹胸世人對月所思少  
營營刀錐爭利功閑人對月所思夥千古風流憶諸雄向客且請  
永今夜一別難期月下逢仰看天上月不語惠然清輝玉玲瓏

十六夜看月

乾坤入溟色何物鎖房櫺竹杪龍吟絕松陰虬影空團團水鏡曇  
淡淡玉盤紅長笛誰家客賞秋煙霧中

秋夜獨步

今夜東天月未生徜徉何處動吟情林臯已暗池塘靜風觸枯蘆  
颯有聲

送義弟逸見甲山歸朝鮮

佳節何圖傾別觴人生萍梗奈愁腸休言海外多新趣元識朔邊

非故鄉落日飛鴻韓境遠西風嘶馬狩川長偏期身健復相值笑  
見陶籬黃菊香

賀松村半川還曆壽用其自壽詩韻

瑤臺盛宴杏林春賀客如雲集吉辰老樹閱年姿勢潔仙禽邀日  
影形親誰知嘯月吟風友元是鍊丹施藥人積善餘慶壽無限回  
生仁術恤窮貧

寄松村半川再用其二十八字詩韻

北溟爲客廿餘年壯志難酬思悄然月照茆檐冷於水一聲老雁  
掛秋天

寄松村半川再用其自壽詩韻

天涯消受廿餘春偶閱詩章對北辰久客頻思松菊契老身偏感  
鷺鷗親何圖無學無名者却賀同庚同業人幾賦刀環未歸去休

嗤守拙樂清貧

秋日雜詠四首

西嶺日將沈，秋村風自冷。度林鐘一杵，點點群鴉影。  
枯葦亂秋霜，細流環矮檐。一聲牛母吼，寒月影如鎌。  
郊村何索寞，草亂冷新霜。雁影消無跡，寒泉咽路傍。  
四邊生薄霧，疎樹晚依稀。一望高原路，有人牽馬歸。

偶成

苛政誅求劇，黨人誤設施。前租未全納，後顧奈難支。短景日將沒，  
寒風鳥訴飢。郊村都寂寞，回勢定何時。

出蘭島洞門到余市

山道都蕭寂，洞門通海鄉。官橋亂枯葦，野店動殘陽。鷗背烟波濶，  
馬頭沙岸長。遙看林氏宅，雲樹尙蒼茫。

訪林家所見

一望余灣濶，倚欄忘世紛。前村迥明麗，左浦近氤氳。疊嶂輝新雪，  
早潮連薄雲。磯邊舟過處，驚起海鷗群。

同

幾處河川橋路通，平沙長岬藻街東。小舟停楫探寒蟹，巨舶揚帆  
追遠鴻。煙樹蒼茫千里外，海山明媚一樓中。領來畫景詩材富，長  
嘯欄干立晚風。

簷聲

此聲非少又非多，終夜聞來感奈何。冷硯殘燈皆不語，向君吾亦  
說蹉跎。

佐藤東華來訪次其詩韻

東華自北見來  
故句中及之

天涯筴杖不憂孤，吟破前人未發區。百首詩篇半煙月，便知君夢

在猿湖、猿湖

再用前韻

唱霸文壇德不孤，縱橫論議動塵區。閑餘別有風流在，載妓舟遊月下湖。

秋夜聽雨

秋雨蕭蕭懸二更，孤窓夢覺奈何情。家山千里猶爲客，愁聽芭蕉葉上聲。

除夜作

百歲光陰似擲梭，孤燈今夜感如何。風聲偏向愁邊動，月色轉於幽處多。物外煙霞歸舊夢，祠前簫鼓入新歌。雞鳴明旦鬢添白，看到菱花心欲皤。

壬戌元旦五首

元旦迎紅旭，一家拜聖恩。松筠色逾麗，生氣滿乾坤。萬戶迎青帝，熙熙韶景鮮。曦輪上東海，樓閣帶祥烟。雲霞含瑞色，杲日出東瀛。鶴舞青松上，芙蓉映帝城。陽谷擎初日，瑞光明九州。朱霞照波處，應有錦帆浮。朔北迎佳節，胡人捧祝杯。日輝千里雪，淑氣跨潮來。

恭賦旭光照波四首

東海擎初旭，閃紅映萬波。布帆春靄麗，浦浦盡謳歌。海頭初旭麗，淑氣滿扶桑。霞蔚十洲外，雲蒸三島傍。炎輪先轉軸，爛錦自成章。漾漾煙波紫，煌煌林嶽蒼。千帆帶春色，萬嶼浴朝光。野鶴時鳴舞，應頌聖代隆。

試筆

三杯椒酒一瓶梅，展紙沈吟知幾回。何料穉孫吾側坐，新年先畫

八  
塗鴉來、

東家新年宴會

洪鈞轉處入清嘉，鄉友和親天一涯。  
爐畔輸贏兵是石，窓前談笑筆生花。  
嬌歌不讓鶯聲巧，妙舞堪思柳影斜。  
銀燭高燒燦瓊燕，春風早已到東家。

新年偶作

天涯飄泊二十年，客氣貽悔思悄然。  
嘗盡風慘兼雪虐，自嘲鵬翼無由搏。  
風淅瀝兮寒刺骨，壯心如燃豎怒髮。  
昔時同窓今卿相，豎子多稱一流傑。  
嗟予遠圖事已休，人間功名亦悠悠。  
不如風月恣嘯傲，身後同是土一抔。  
所欽忠忱管相國，所羨高才醉李白。  
真儒藤樹文仲子，昌黎子瞻推文德。  
珠夜對酌同鄉親，把臂論心無主賓。  
紅燈照花花解語，風姿婀娜舞衣新。  
嬌喉一曲煙花戲，急管哀

絃弄巧致，回首街雪深丈餘，魂飛鶯囀春山翠。

一月十四日訪梅澤耕輔卽賦以呈

料峭奇寒迴履歸，孤筇今又叩仙扉。  
圍爐相對藻山雪，談笑無端到落暉。

雪

舞影飄飄落影斜，鶴毛楊絮語堪誇。  
乾坤白化爲何喻，萬木都粧花外花。

寄白青山畫史

一望曾無寸碧殘，乾坤皆雪白漫漫。  
倪家皴法米家點，借問君今何處看。

雪艇競技

一雙輕履冒寒飈，滑走如飛返似跳。  
踏破千峰萬峰雪，健兒勇技

駭山魃

悼大隈侯

一月十七日侯薨

維新五十年，元勳多凋落，獨有限侯健，善談吐氣魄，門下幾萬者，濟濟露頭角，請教朝野士，敲說五洲客，一言通萬邦，片語貫今昔，元是帝王師，忠忱補衰職，一朝二豎侵，天下皆憂色，或欲以躬代，神前祈癒復，訃音傳內外，聞者皆錯愕，此日風聲悲，鳥雀枝上哭，東海葬偉人，黯雲忽作夕。

偶成

春日收光天色曇，窓前積雪鎖茅庵，三孫圍膝因何事，爐畔欣聞昔昔譚。

雪中吟

山河凍結猛飈噴，一望皚皚眼界新，臥雪袁安猶守曉，思梅君復

未逢春，掩門豈爲嫌賢士，塞路殊宜避俗人，不恨冰華封井水，寒厨貯酒發芳醇。

再寄青山畫史

君觀自然景，須考點與皴，破墨舟周妙，健毫蕪晁真，竹翁窺饒舌，霞叟見精神，世若嘲心畫，反憐拘法人。

答半狂老人

吾腸元鐵石，恨不廣平倫，一管丹青妙，描來醉美人。

偶作

今人文化日添光，科學工夫不可量，無翅而飛缺鱗潛，鑄山煮海亦尋常。

林純一郎來宿喜而賦

百里君來叩寒扉，桑園殘雪喜雀飛，開顏笑語主與客，茶鼎和鳴

日之夕，想起曾遊余灣春，青波蕩漾寄前津，倚檻共看布帆影，輕  
煙搖曳海聲靜，吾家尙是同三冬，寒雲深鎖藻岩峰，回首東天月  
輪白，滿庭雪華堆一尺。

慶子 外孫齡三歲

花頰朱唇笑且歡，彩衣映日不知寒，欣看麗質美於玉，宛是一輪  
紅牡丹。

又

慶子齡三歲，昨來宿我家，圓顏訝秋月，紅頰想春霞，笑語鶯聲滑，  
步行蝶影斜，相看喜無限，一朵牡丹花。

雪崩 親不知慘事

忽爾轟轟山嶽鳴，不慮災害瞬間生，雪魄落下繁於雨，颼車仆碎  
不留形，二百人命今安在，併埋阿鼻叫喚聲，嗚呼嗚呼天道非耶

是鬼哭啾啾越山嘴。

示客

四邊深雪鎖茆屋，未逢新火滅茶瓶，默風加紙帳，呻客來軒覺暖，  
兒笑座生春，知汝承歡意，忘吾苦病身。

賀渡邊一布七十七壽 一布名兵四郎  
前小樽區長

布翁豪放無今古，天空海濶見氣宇，布翁豪健無天下，擔來大筆  
驚怯豎，一揮紙上走龍蛇，再灑壁間起雲雨，當事快刀斷亂麻，只  
見至誠出肺腑，楚秦和兮破鏡合，魍魎逃兮燕雀舞，樽港多年巨  
手勞，世有翁同舟有櫓，不怪天之賜福祉，海屋運籌算無數，知友  
相謀開賀筵，喜壽之喜滿心緒，更期龜鶴千年齡，永護邦家萬世  
礎。

送林純一郎歸余市

旬日兒孫繞膝前，君將歸處意茫然。迢迢百里關山外，想落煙波鶻沒邊。

早春雜詠四首

大雪埋林木，偏憂勢不支。老松餘力在，未敢意安危。  
四邊殘雪堆，厓樹春光薄。寒水一溪青，鴉群試新浴。  
殘雪春猶淺，輕風節已分。幽情自難止，孤杖搜梅芬。  
春衣五重厚，溫室培花卉。古鼎煮新茶，併試冰雪味。

偶作

朝陽熾灼照街肆，車馬如織人麴至。鐵網鐵軌縱又橫，水火閃電鳴機器。百貨出入多於山，都市所要無不備。獨怪人心日低卑，生怕道義將墜地。吏以收賄亂紀綱，兵以飲酒破品位。黑衣長袖無所爲，耶佛二徒疑真意。世潮更使吾心寒，民本異說攪忠義。苛稅

誅求與日加，統治無法誤自治。政黨政派亦傾頹，功利所在互奪致。中流失職泣路頭，物價奔騰馬脫轡。嗚呼文明將假面，偶看市上濺歎淚。不知何日忘塵紛，故山鶯花試酣醉。

失題

建幟操觚須惜名，百般事業待丹誠。抗顏一語詎遺憾，勞趾三來覺厚情。深雪壓檐春未到，寒飈敲牖日將傾。共論世弊相看笑，爐上銅瓶鳴不平。

失題

登音戛戛叩寒扉，迎客且同爐火圍。一碗啜來茶氣暖，半窓話盡世潮非。愁中歲月急流逝，夢裡家山何日歸。想像海南春色好，悵然又見雪華飛。

硯



莫怪龍池尚帶雲，兔毫未盡腹中文。机邊床上領佳位，堅質虛心現偉勳。文海何妨隨意涉，寶田元當自由耘。不辭茆屋來相伴，百歲交情獨有君。

偶作

庭有梅花又李花，竹籬茅屋自堪誇。人間何羨千鍾富，八子三孫護我家。

吉積定吉自大阪來滯留三日賦此以贈

靈泉効驗萬病瘳，全山喬松與高樓。寶塚勝概君曲說，使吾偏思西國遊。君居山麓池田里，仰觀俯聽鍾衆美。一望松林凝翠色，四時松濤洗兩耳。更登高處望塵寰，畿甸南海指顧間。百萬人家用櫛比，千帆輻湊浪華灣。海上雲霞覆阡陌，天下富豪連邸宅。鐵火轟轟盛商工，便是神州元氣所磅礴。聞君新据製綿臺，機器廻轉

白雪堆，百千女工勵其業。貨車終日往又來，又聞故山造赤酒。鬻賣方策出吾手，由來外品攬市場。奮勇令彼歸一帚，嗚呼善哉其言又其心。聞之敬服感不禁，偏賀適材得適所。為君祝盃不辭深，吾今衰病減食味。煙霞痼疾不可治，他年願得浴泉資。嘯傲名山養浩氣。

送吉積定吉歸阪府

關河萬里幾艱難，勞趾往來凌烈寒。冰雪雙眉任凍結，風濤一葦耐掀翻。共欣別後身心健，且話現時機運酸。今夜颺車載君去，迢迢歸旅好加餐。

贈佐藤東華

東華近移苦小牧發刊贈振公論

君不見源廷尉雄畧，宛如神。百戰百勝奏偉勳，五歲討滅平家族。勢同猛虎逐羊群，又不見鬼上官英風曠。今昔孤壘風雪揮長戟，

一戰震駭明君臣，敵城被屠敵王獲。君今筆鋒代劍芒，孤屯無援胡沙場。泉下軍神如有識，應驚旗鼓陣堂堂。由來文海不可計，況有變潮毒一世。公論侃諤導人心，須矯社會萬般弊。回首寒濤噴岸相吐吞，恍疑千軍萬馬奔。不知何日春風暖，古廟鶯花同一樽。

苦小牧距平取義經廟不遠

早春所見

風挾寒雲踰嶺西，街頭殘雪半為泥。長橋無影江流漲，一片殘暉照柳隄。

未開梅

萬蕾的皜燦星光，出谷黃鸝窺苑牆。不恨東風送香晚，開花更又斷人腸。

早梅

昨知黃鳥涉山隈，今見梅花三兩開。殘雪未消香已動，春從竹外一枝來。

盆梅

元識孤山夢不虛，疎枝花發盡瓊瑤。清香浮動別天地，一片春光舊草廬。

瓶中梅柳

春光早已動邊陲，緬想鶯聲滿帝州。茅屋迎來兩珍客，柳翁梅叟又同舟。

偶作

畫手拘皴點，詩人苦仄平。所尊神也矣，盍試筆縱橫。

題富所半狂紅梅圖

狂翁佛香手，寫作紅梅新。玉骨淨無垢，此花似美人。乃想西施面，

小舫遺稿  
君王賜寵辰，又想醉李白，扶人見天真，或疑漢後庭，繡帳帶麝焚，  
又疑昭陽殿，彫楹映日曛，鶴頂誇同色，雞血拜後塵，不是七襄錦，  
便知三染纁，婀娜仙姿立，縹渺紅魂存，展觀數時久，髣髴接花神，  
一幅橫斜影，馥馥放清芬。

早春答人需珍詩

寒屋不究究理新，詩元長物有何珍，蜂窩無蜜鳥巢錮，月姊梅兄  
未作隣。

此心

久哉門外絕蹄輪，酒地詩天趣始真，吾屋急於迎米佛，此心未敢  
拜錢神。

紀元節

此日諸官多賜進裘

天朗朝曦耀，煌煌明瓦陶，輕風旗影穩，殘雪履聲高，劍帽榮清世，

輪蹄欣寵褒，謳歌祝佳節，懷古酌新醪。

圓山早春

踏來神苑珊珊雪，溪水飛珠一路斜，想起當年菴廟畔，寒塘曳杖  
訪梅花。

雪松

六出覆蒼鬢，日輝潔更妍，鴉來羽聲觸，落雪散成煙。

雪梅

梅花白如雪，雪白似梅花，白雪帶香白梅凍，不知是雪是梅花。

憶在米兩兒

早春氣象自堪憐，其奈蕭疎夢不圓，吾住蜻蜓州北地，兒遊六嶽  
嶺東天，氤氳花柳將三月，荏苒星霜又一年，郵信投門相集處，先  
欣異域報安全。

賀梅澤耕輔夫妻古稀壽

古稀強健倚瑤臺，共祝千年壽域開。  
驥子蘭孫肥奕奕，花顏雲髮笑哈哈。  
偏思仙鶴松間宿，又訝美人林下來。  
好是同庚誓偕老，一瓶併見白紅梅。

所見三首

冀北千金馬，今逢伏櫪艱。  
泥中沈逸足，空苦百笞酸。  
人呼罵畜生，却見慈悲美。  
一子路傍奔，母牛鳴不已。  
天邊翻鳥影，薄暮太喧嘈。  
倏忽強風起，松聲捲怒濤。

青山畫史有女兒數人今歲始舉一男賦此錄呈表賀意

春花秋月互清妍，陰極陽生理當然。  
昨聽呱呱泣聲別，果看英物現君前。

又雪

又雪天色曇，寒威百槍襲。  
驚禽走舊巢，行客欲飛笠。  
窗戶吼猛颼，颼颼又習習。  
雪飛如霧飛，又似擲砂粒。  
筆硯皆凍結，井華不可汲。  
家人無所爲，團欒一室集。  
撥爐煽餘煖，防寒策太急。  
吾期動神思，反悵句荒澁。  
此際無他圖，一笑煖米汁。

又

浙瀝聲初止，寒威次第和。  
夜燈再爲友，相近助吟哦。  
忽聽松濤捲，風伯再倒戈。  
窓邊窺星色，黯黑墨新磨。  
螿螻伸還屈，窮禽不離窠。  
仍思華府會，國家杞憂多。  
履霜堅冰至，山雨樓風過。  
前車戒覆轍，暴虎恐馮河。  
風雪何足意，把杯不作酌。

田村久吉來訪賦此以謝

迎客且圍爐，談中無俗惡。  
煙霞夢淺深，文史論今昔。  
茶熟窺魚眼，詩成眎雞肋。  
回頭天放晴，春雪簷牙白。

訪田村久吉不在留一詩

西嶺浮晴色，出門草樹妍。輕風促吟意，青靄隔塵緣。漸過馬蹄路，遠遊鶯囀邊。訪君君不在，春日淡爐煙。

題畫

一泓春水綠，長葦接圓荷。白鷺來求餌，孤舟蕩細波。

街上

街上軟殘雪，步行艱欲顛。萬軒澌水漲，點滴響涓涓。

消閑

消閑何物好，詩賦見窮通。情遠五言外，神伸七句中。枯樵比冬景，絢爛擬春紅。會意長篇作，吐奇千丈虹。

早春卽興

日暖隋隄繫釣船，柳楊何意未生煙。東風蘇起渡頭草，春在嫩青

深碧邊。

偶作

偏覺人生多喜悲，舊知新識自然移。曾無所變只花月，幾日吟哦百歲詩。

春寒四首

青帝威微海北天，曾無厚意到梅邊。風聲忽止又成雪，萬片鶴毛翻檻前。

春日光雲影輕，敗荷枯柳可憐情。餘寒料峭猶穿骨，池上何聞叭叭聲。

偏訝東君幾返轡，一晴纔暖一陰寒。圍爐又想風耶雪，枯木群鴉集作團。

節後三旬掩草廬，奇寒刺骨自蕭疎。欲尋東郭梅花信，古硯冰封

不可書

馬槥

鐵蹄飛雪響珊珊，輸送重荷難暫閒。幸免三冬堆貨滯，終除百里細輪艱。鄙夫叱叱朝兼夕，瘦馬營營往又還。不假舟車稱至便，尤憐豎鬣欲踰山。

自嘲朝起遲

昨夜聞風吼，今朝見雪飛。天曇窓暗爐火弱，生怕寒威裂凍肌。起而無功臥無碍，其奈老慵與病衰。誰嘲宰予懶，誰笑袁安痴。已起日登三竿過，眼華翳雲一帳帷。整襟端坐書窓下，宛似蘇武歸國時。風嚇藪中鳥，雪壓竹外枝。曉臥豈爲春眠好，居諸速逝攪吾思。曾期功名唾手取，盧生一夢亦無爲。藥氣暖午靄，杏花輝朝曦。所修濟生通神技，不向人施却自施。一碗羹汁醫煩渴，三匙合末驅

困疲。嗚呼嗚呼素志何日報，齒髮已衰雪染髭。一生慚與蜉蝣比，堪恨虞翻無人知。回首簷巢冰雪鏹，又看禽夢覺來遲。

佛殿奇聞

錦欄袈裟嚴顏貌，高壇巧說祖師教。一齣一節調高低，聽者感動飲淚叫。賽錢如雨合掌堅，垂頭齊唱彌陀號。高僧何者知者稀，音聲竊疑浪華調。衆中一人貌如仙，沉思默考坐端然。此是畫界一巨手，妙技現代少比肩。山水夙凌王石谷，花鳥又駕惲南田。退去將探果何心，目眇相語後與前。後坐一人任提誨，慧眼看破黑衣怪。此是近代一大才，妙技早推書與畫。已究漢魏六朝文，更明南北二派態。共追彼師往道山，人有極肖時明晦。緇徒何想兩星隨，小屋猿臂惡容儀。卑語喋喋向誰說，內蓄皓齒婀娜姿。美酒佳肴列膳椀，就中生魚鮮朱鯉。酣醉仰臥鼾聲吼，酒杯經卷紛離披。何

料旭人來入札，穿來僧衣僅旬日，妖僧素性始分明，魚屋八公浪節八。

星槎歸朝

星槎旗影暗，所齋復如何，定霸三邦議，假名萬國和，苦衷元不少，良果已無多，歸日天候惡，阜頭揚海波。

皇國人心

民意求和切，何堪彼暴橫，睨東謀巧利，制外唱連衡，自錮瓜城砦，翻移笠嶋兵，爐瓶亦有憤，沸沸不平鳴。

融雪煎茶

曾聞三道士，攀嶽濕咽喉，萬古芙蓉雪，亦同斯味不。

晚景

凍雲踰嶺一窓清，起望前園木有聲，池上猶留殘照在，一雙鴉影

水中明。

雪

冬雪如灰春雪綿，細軟交變弄寒妍，詩篇三百半晶皓，捧到玉皇香案前。

蟄居

吾脚阻風雪，蟄居蝸屋小，檐端萬水輝，爐上千薪燎，心待草萌春，魂飛鶯囀曉，北溟花信遲，上國煙絲裊，四壁自蕭疎，滿眸都皓晶，仍思無辜人，何似失群僚，盛鼓動漁陽，悲歌起燕趙，回看天地間，同感寒巢鳥。

雪中臥龍梅

老幹蜿蜒偃雪中，龍梅如睡在昏濛，一朝夢覺春雲漲，元氣勃然擡其躬，花發橫斜千萬朵，星光的燦凝芳容，此時無雪花代雪，只

見乾坤白玲瓏，我亦蟄居深雪裡。終朝如睡困艱同，衡門不聽履  
聲響。彼是與世馬牛風，天地幸容窮措大。恨無一片春光通，回頭  
浙瀝寒風吼，密雪珊珊撲書櫬。

早春出遊

數日東風暖，曳筇出柴扃。班班殘雪白，前後少人行。先到枯楊渡，  
地平孤艇橫。林塘春寂寂，處處禽聲迎。相語雖無侶，自然忘利名。  
吟情茁然起，喻似新芽生。岸上欸冬發，渚邊嫩芹萌。女兒哈且戲，  
摘菜一籠青。左折度橋上，淙淙溪水鳴。口吟詩幾首，傾耳石泉聲。  
前有崑巖峙，層層石磴明。松間抽寺塔，懸瀑素縑清。不見梅花影，  
又足慰幽情。逢僧相話處，鴻背夕陽傾。

朝來不得詩

朝來不得詩，空想何所獲。池亭午靜絕塵紛，一片茶煙無所着。枯

柳憔悴影有無，山禽啄木疑有客。早春蕭疎藻思淡，反勝鶯花得  
意極。回顧年年圓嶠春，雪姿霞貌鬪婉約。亂醉歌舞狂萬人，風雨  
三日已無跡。詩芽當與柳芽伸，梅櫻桃李恣愛惜。三碗茶氣驅睡  
魔，尙懷空想覓寒碧。

梅不逢春四首

梅不逢春何有花，橫斜影薄水邊家。冰肌玉骨看何日，林下留來  
履齒斜。

斑斑殘雪白成堆，幾處梅園花未開。料峭奇寒春尙淺，風從韎鞞  
朔邊來。

寒園拾句聳吟骨，老幹槎枒未返魂。幾唱暗香疎影句，梅邊停杖  
到黃昏。

疎影橫斜淺水濱，偶來林下未逢春。寒風殘雪滿園靜，空博尋梅



第一人

寒夜

夜衾如鐵夢頻驚，枕上青燈滅。又明月落霜飛，天欲白，庭松籬竹影晶晶。

寒園羽聲

嫩日收光雪未消，敗荷枯柳影飄搖。忽聞俊鶻羽聲急，飛自青松上碧霄。

夢中尋梅

孤筇携酒出衡茅，遠訪芳扉手自敲。幽夢醒來多遺恨，五更寒雨掛梅梢。

贈政客某

吾未聞不經萬艱列，麟閣又未聞不奏百功勒。貞石男兒所重只

至誠，鐵心百鍊循其職，不撓錯節與盤根。邁往須努畢生力，爾後機運自然開。所爲着着當肯綮，朝野推重欽英風。億兆仰望慕高德，若缺至誠可知耳。百事背反與心隔，偷國世凱死無功。爭霸維廉敗無跡，士人所尊名也矣。一身許國任馬革，職無上下名無二。名義不正無職責，君云游泳政海試一躍。從是功名唾手得，莫學大言獨自強。莫學壯語驚凡俗，自期勤勞忘心神。盧生一夢有何益，政海澎湃世途嶮。功名休比棋一奕，誰挾泰山踰北海。天下雖廣有限極，吾輩夙拋名與利。何想青雲搏鵬翼，富貴比觀蟻封貯。功名同視蝸角獲，蜉蝣搖樹千秋業。精衛填海萬卷籍，自思守拙協天理。茅檐傾聽松風謾，六國相印難換負郭二頃田。萬里長城何異圍屋一短柵。

殘雪

幸免淋鈴掛一宵，斑斑白白盡瓊瑤。日暄怕見東君面，風冷喜纏西嶺腰。先自池塘草根退，又於梅畔履痕消。不妨圍屋餘三尺，起聽新鶯出谷謠。

江村晚望

沿流茅舍路相通，幾處潺湲西又東。魚窟銜訝疎柳下，鳥巢飄蕩古蘆中。關河百里細波碧，嶺樹半天斜照紅。只爲寒風猶刺骨，沙汀不值一漁翁。

獵夫

晨霜手銃出茅家，跋涉山河幾徑斜。忽認禽形人藏影，老兒停趾姿聲靜。一丸射落一羽鴻，群鳥驚飛舞半空。或臥壠凹或沙際，踏入蒹葭出竹簔。終日追探幾十程，獸禽所在便銃聲。狡兔豎耳乍匿穴，妖狐收尾不出窟。栗鼠山狸貉又貂，應響駭奔疾如跳。狗也

敏銳過人智，一嗅爪痕辨趾翅。偶逢熊豬勇絕倫，賭命健鬪感萬人。獵夫過處放氈臭，紅血淋漓染狩袖。相值先知所獲多，腰間羽毛肩上羅。欣然歸宅狗共喜，妻孥出迎暮山紫。

園池二首

池畔蔚喬林，羽聲來又去。水清魚不留，倒映啼鴉影。  
孤亭竹樹圍，清影池中碎。風意毫釐差，青波千萬態。

三月一日暴風雪

春日鎖寒雲，天候倏險惡。颯然起暴風，勢似猛虎擊。雪霰揚聲飛，悽甚於擲礫。狗鼠遁無途，鳥雀悸屏息。起見庭前狀，萬木狂愈劇。乾坤都白濛，邈不辨咫尺。玻窓結水花，水槽封琥珀。下帷防寒氣，風雪入寸隙。爐燎千薪堆，火衰寒乍逼。吾生越山麓，天雪翻多樂。氣與老兒振，追探趾翼跡。滑走七曲阪，擬戰兩陣郭。只覺兩腋溫。

曾無氣息塞，況今三月三，兒女祭雛懌，桃花發新釀，香魚上初炙，  
風伯爲何嘖，暴以雪霰擲，昨聞親不知，雪崩人死甯，次有張確慘，  
又知東線蹈，移北二十年，聞變呼復亦，晚間幸歸靜，西嶺開晴色，  
家人

兄弟五人皆遠征，守家情是守城情，蔬肴上膳混冰雪，三月未逢  
新菜清。

上巳此日當兒文雄誕辰

夢裡流光過廿年，又逢佳節喜怡然，柳堤煙冷北溟晚，桃水霞蒸  
上國天，恨我青樽無好侶，任他紅葉結良緣，偶從兒女追凡俗，壇  
上雙雛祝誕筵。

早春思友

廿年交道已成陳，鴻爪年年代舊新，青眼相迎知己客，丹心空託

苦吟身，寒雲鎖柳隄邊暮，暖日孕梅軒外春，花開滿園知不遠，把  
杯酬唱定何人。

電燈

水滔滔器轟轟，電火四閃導縱橫，神秘深藏一室裡，妙理都從力  
學生，吸來河川動車鐵，晝夜迴轉不止聲，百丈懸瀑管底走，千里  
懸流器上鳴，一線踰山又度壑，電火萬點煌煌明，文明恩澤遍四  
海，八百八都不夜城。

上巳偶成

北溟三日節，天朗雪華鮮，京城今日韶光遍，十二軒頭爭後先，每  
向兒孫話其狀，今吾爲客醉芳筵，回首樹枝綴瓊玉，春風吹入机  
書前，無端暖靄繞軒處，想落花窓鶯囀曉。

園池

園池周百丈，喬樹鬱攢天。主客孤亭坐，相看水木妍。

書感

偏思吾女多勞苦，婢去早晨艱更加。一掃塵埃整書机，全通風氣理窓紗。米槽浙了吹爐火，蔬笮提來汲井華。老父餐終按肩處，鼎聲沸沸好烹茶。

上巳後一日見雪

三月吟壇三日過，詩逢佳節亦何誇。由來東帝恩光薄，不見桃花見雪花。

晨起所見

雲霽晴光耀，晨窓啼小禽。騎人過籬外，春雪馬蹄深。

憶兒

人生百歲六分過，樂事從今能幾何。親子相離三萬里，吟髭染雪

發哀歌

憶兄妹

同胞相隔三千里，兄妹家鄉吾獨來。枯坐悄看窗外雪，晚鴉聲亦帶餘哀。

自問自答

三冬風雪一廬中，爐畔沈思狀似窮。自問吾吟作何用，無詩不罪有無功。卅年方技是天職，起死萬千將努力。自問吾吟有何功，畢生事業付一擲。渺茫詞海闊無涯，況有諸潮難溯洄。自問吾吟有何益，徒裝韻士奈無才。古來幾萬名家集，燕石隋珠苦收拾。自問吾吟何所成，鍛鍊缺處見荒澁。老齡六十忘身安，常惜寸陰心不寬。自問吾吟何所苦，一生兀兀太酸艱。世間學者多師古，漢魏六朝看父祖。自問吾吟何所依，詩無源礎人先悔。問我未去答我來，

檢脉叩胸說幾回，病入膏肓已有年。詩爲藥石一治材，吾吟似苦  
實容易，思湧揮毫不湧避。一嘯風月一包藥，三杯藥汁二聯試。吾  
身何勝向人施，世益私名兩不思。幾首詩篇吟且喜，竹爐取暖忘  
晷移。千秋事業鴻爪似，百歲壽命蜉蝣比。詩就怡怡自養生，消閑  
一樂有此耳。不佞假裝扮古賢，韓冠蘇衣舞文筵。不學假面驚凡  
俗，李調杜節踊花前。汗流追古不必雅，滅却精神真味寡。世有推  
移時古今，是非得喪任取捨。窃思天意與人情，且希詩神每新清。  
問我已還答我嘯，珊珊風雪和鼎鳴。

閑居

終日柴扉無客推，幽棲恰好役吟思。孤亭雪解禽啼樹，虛檻水開  
魚躍池。晝漏閒閒伴書机，春光濯濯上紗帷。茶爐藥鼎吾忘我，賦  
到催花幾首詩。

初覺春暖

幽居只合免塵紛，幸少祁寒逼骨筋。風僅更時暖先動，雪將消處  
節初分。軒前松色留斜日，天外鴻聲追斷雲。聞說南園春尙淺，出  
門未敢訪梅薰。

夢中探梅

一醉陶陶眠小軒，仙禽導我步黃昏。清流漲處舟橫岸，幽徑踏來  
梅馥村。疎影千重燦冰雪，暗香萬朶白乾坤。遽然夢破溪風冷，恍  
覺身迷花外墩。

莊園早春

莊園好送老生涯，水木回環靜且佳。檻外江山引吟意，窓前風物  
寄幽懷。斑斑殘雪梅邊杖，淡淡嫩芽柳處鞋。倦臥爐頭日之夕，一  
痕寒月照空齋。

在米文雄贈珍花種子廿種慰兩親感餘賦此

珍草躋波三萬里，披觀深感憶親心。元知神國曾無物，或是米洲  
初發禁，三徑花開迷蛺蝶，一園香迸駭林禽。從今用意栽培法，飽  
賞新奇好試吟。

雪

薄暈摩空翻白塵，一朝枯木盡回春。此花何作嫣然笑，尚有寒塘  
曳杖人。

白紙

天明白白楮公門，兔子將來未到垣。色卽是空空卽色，乾坤不見  
一鴉翻。

三月十五日春雨

今朝初聽雨，萬滴掛茅檐。殘雪消三寸，流澌湊一川。煙籠鷗鷺渚，

風暖柳梅天。所在都春意，書櫥不寂然。

初聽林禽

昨聽霏微雨，今看梅柳心。春光遍天地，林鳥亦欣欣。

夢探梅花二首

夢繞有梅村，清溪度獨木。一聲翻鶴翎，雲帶寒香馥。  
清夜乘輕艇，訪來溪上花。忽然寒月落，破曉一聲鴉。

十六日雨晴

今朝天欲霽，薄暈上窓紗。水漲池魚喜，芽萌林鳥奢。風何牽柳意，  
雨只促梅花。騷客探春早，那邊酒旆斜。

倦馬

簷崩厩舍寒，枯草截當食。冀北多龍種，競場無匹敵。千金購骨誰，  
神相思今昔。身老不如鴛，倦來眠倚櫪。悲風掠鬣毛，殘月窺頰壁。

春寒

栖栖尙擁火，何日接韶華。殘雪封梅蕊，寒風緘柳芽。籬邊浙水漲，街上淤泥加。索莫弧亭夕，又看枯樹鴉。

三月十七日蕭雨

煙雲漠漠鎖茅茨，大澤冰開龍出時。只見乾坤生氣滿，騷然何物弄清奇。雪耶非雪霰非霰，滿目雲崩飛急箭。鳥雀收翎枯樹中，四隣擾擾無間斷。玻窓陶瓦萬珠跳，殘雪看從池畔消。土窟蛙眠無擊鼓，萬林初浴雨蕭蕭。

聽春雨喜賦

蕉葉雨自綠，梨花雨自白。催花雨可喜，落花雨可惜。吾思融雪更可喜，祁寒絕跡韶華逼。三冬日日雪兼風，草木皆枯蟲魚仆。人依爐火僅保生，千薪灰燼熱鐵赤。今朝初聽雨蕭蕭，生氣勃發伸吾

脊，萬物蘇生皆嬉嬉。春雨貴於連城璧。

偶成

自謂刀圭開別寰，豈圖鉛槧老柴關。人生六十夢中過，餘命猶存詩酒間。

硯田

硯田一頃筆成鋤，忘彼人間毀與譽。小雨初傳春意厚，梅花將綻柳將梳。黃鸝出谷弄嬌舌，酒地詩天樂有餘。百首詩篇一瓢飲，一吟風月半籃蔬。不須文海搏鵬翼，不願名區乘玉輿。已識踏青期不遠，好耕千頃送居諸。

雪晴朝

早起推窓喜欲顛，乾坤無物不鮮妍。何思林樹瓊花綴，且見郊村柳絮填。天色澄如碧潭水，山容清似白衣僊。朝光射水明池帶，想

落梅溪載鶴船

雨後所見

春雨庭容改，池塘草色加。柳陰魚不見，鳥影動晴波。

自然

自然藏萬機，都是消長理。波湧白鱗沈，雪融青篠起。

夜坐

幽屋窺飢鳥，寒厨跳黠鼠。蹉跎溝壑志，獨與殘燈語。

蟹

十年兵馬洗，邊海斂妖雲。鐵甲兼長戟，橫行獨有君。

金魚商

方池幾尺沿蝸廬，生理不欽湖海漁。例待早春融雪節，一擔紅錦賣金魚。

三月廿一日思平和博覽會

北地春寒望渺茫，四邊堆雪壓垣牆。遙思東叡山韶景，滿目櫻花博覽場。

雪宵想梅花

老松帶雪壓檐牙，連日朔風寒更加。不識春光在何處，黃昏月下想梅花。

未開梅

寒風枯樹鳥聲哀，疑是東君車未回。獨喜梅花魂不死，又從雪裡孕春來。

餘寒

脉脉餘寒在，獨吟茶鼎傍。幽窓何所寄，寒玉一枝香。

刺繡圖



鶯花三月惱人深，學繡女兒傾賞心。不識明眸向何處，爲聞嬌語暫停鍼。

答某見寄惡詩

郊村雪解漲春水，嶺樹風軟清曉曦。偶得君書喜無限，一讀啞然縮我眉。枝上禽猶識聲律，乾坤無物不詩資。獨疑君筆將何語，意義漠然不可知。漫列七字無成句，韻文無韻失常規。詩芽當與草芽茁，正是池頭綠成時。孤亭俄催嘔吐感，起捲蘆簾對漣漪。

半狂翁來訪

此日園廬論時事

偶邀登音過草廬，胸襟披瀝見情殊。論心共笑飲川鼠，示髮同歎過隙駒。一瞥世波何險惡，再看政界太艱虞。歲寒百姓泣飢餓，戰勝四民顛炭塗。偏恨豪奢驅富族，且驚過激發匈奴。蛙蝸生竈薪如桂，粗糲堆厨米似珠。稅吏誅求等殘賊，兇徒跋扈過狂夫。所見

顰眉須唾棄，所聞覆耳學迂愚。古鼎沸沸濃茶味，一碗忘機三尺爐。

示半狂翁

古鼎鳴時塵慮空，颼颼宛聽嶺松風。無端想起坡翁語，真味全存二碗中。  
古鼎蚪鳴忽躍珠，松窓傾耳兩圓顛。詩仙偶與茶禪會，縮小乾坤三尺爐。  
鼎鳴沸沸淨無塵，初領茶禪三昧真。漫以容儀論陸羽，世人何識別精神。

梅花美人圖

春院停杯已燭殘，輕風脈脈五更寒。清粧立揭畫簾處，月在梅花白一欄。

春興

三月春方好，吟情涉後庭。老梅千朶白，新柳萬條青。風靜鶯聲滑，日暄蝶夢醒。隔離人影在，挑菜立沙汀。

莊園春興二首

朝起先知窓色分，竹籬成郭隔塵紛。一條泉水穿青篠，兩岸梅花連白雲。林下聳肩時得得，鶯邊傾耳獨欣欣。莊園有此春光好，世上窮通不復聞。

一園朝靄已消時，又出柴扉移步遲。草露跳珠濕幽徑，日華掣電閃清池。提籃竹裏探柔菜，曳杖梅邊拾好詩。度水穿林賞春處，無端傾耳聽黃鸝。

觀梅

茅屋坐看景物妍，春光濯濯絕塵緣。池塘青草留殘雪，檻外垂楊

將吐煙，幾樹梅花連素玉。星光的皦映晴漣，槎枒鐵幹伏還起，疎影橫斜春一川。忽覺清香飄座席，春風吹入机書前。曳筇林下聳吟骨，出谷黃鸝轉後先。時自籬頭望西嶺，藻山清似白衣仙。一詩代簡寄吾友，恰好觀梅吟袂連。想起長隄乘興夢，管三祠下美人船。幽窓自恨藻思乏，吟斷孤山詩幾篇。

江上春

千嶽雪融江水添，橋南橋北翠楊纖。春風迎送扁舟客，幾處樓臺揭繡簾。

江上所見

春水溶溶漲，繫舟垂柳堤。漁翁去何處，買酒野橋西。

美人浣紗圖

深窓弄琴手，清夜浣春紗。心似江中月，身如江上花。

雨霽

梧竹翠如滴，雨痕猶未乾。忽看雲色霽，斜照上西軒。

竹聲

移竹書窗外，翠陰幽且清。枕頭風始動，聽得鳳簫聲。

舟遊

一葦泝清溪，杯中禽影落。林梢夕照沈，水色成紺碧。

題畫

高士憑烏几，手持書卷眠。不知華胥國，何處訪仙緣。

城墟

枯草蟲聲咽，敗荷鷺影疎。林陰人不見，落日古城墟。

題山水圖

誰追巨源迹，墨潤似瓊瑰。想像江南景，依稀見水隈。近塘松混柏，

遠塢竹交梅。古宇高低路，風煙絕點埃。扁舟過橋下，深碧一溪開。斫鱸傾杯處，鳥飛翠樹崖。龍泉長百丈，遠破白雲來。客有名流在，當知李杜才。

觀梅月

寒花如雪照筵明，捲盡疎簾對夜清。濁酒野肴茅屋坐，邀來月姊與梅兄。

落梅二首

新寒料峭上茅軒，風挾餘威驚醉魂。正是春人無限恨，一聲玉笛落梅村。

風冷香魂難復招，飛花萬片檻前飄。疎簾不畫橫斜影，想落春人月下簫。

圓山

細路如蛇丘上通，苔碑纍纍出荆叢。啼禽飛去暮煙冷，樹杪猶留落日紅。

憶兒在龍動

吾兒龍動住，壯閣臨長江。相隔三年別，相思萬里邦。今宵月色好，團團淨無雙。臨流偏感流光速，對月當憶故園腔。我池水通彼江水，照我窓月照彼窓。

鵲聲

予看杜鵑詩不如俳句簡潔今試一賦其不及亦遠矣

急遽聞啼血，應聲走出扉。仰看明月皎，雲破一鵲飛。

櫻花

薄暈摩空萬朶斜，春風吹處見精華。黃鶯百轉聲何惜，皇國稱花便此花。唐人句云鶯到垂楊不惜聲

暮春雜詠五首

櫻雲深處晚鐘撞，花片隨風舞且降。想起往年言問渡，一篷亂雪度長江。

萬樹香風大佛前，韶光今去在何邊。無端憶起延元昔，啼鳥飛花五百年。

臨風誰不惹春愁，萬片飛花追水流。翻想彼蒼情厚薄，看如不見付悠悠。

三春樂事復如何，東帝偏教風雨多。紫魄紅魂招不得，孤村空聽老鶯歌。

昨雨今風墜萬花，每逢一厄減韶華。憐他老蝶追殘夢，衰影飛來床上霞。

和坪井速水

大阪醫科大學長

見寄詩韻十一首

節六

初疑投壁是何人，代翰寄懷思所因。不恨虞翻少知己，天南幸有

斷金親

朔邊身似隔邦人，常想京華未了因。卅歲髭眉漸染雪，北溟長與白鷗親。

留名麟閣屬誰人，自守古愚知宿因。野鶴閑雲好成伴，一生不與勢權親。

北邊風物惱吟人，不問麗京文化因。春過鶯花復無賴，天長地潤與誰親。

白眼誰看世上人，人心惡化國憂因。終生所重同窓友，披瀝胸襟似近親。

大都霞蔚駭吾人，文化燦成富市因。容否孤筇往尋日，澱江煙月互相親。

池亭納涼

炎雲吐紅焰，午日暑威烘。簾波不動檐馬死，苦熱如魚在釜中。晚間暑氣減，斜日隔林叢。心身已忘汗血迸，恰如禽鳥脫樊籠。池亭呼酒漣漪湧，一輪涼月滿檻風。

午眠

烈炎催倦怠，小院日如年。取卷休還讀，鴨頭未斷煙。桐陰涼動蕭蕭雨，一枕爽清伸脚眠。

寄懷朴疇恒在旭川三首

孤杖飄然避世紛，遙衝神峽幾重雲。自今遍領秋光好，寫出爛斑錦綉文。

層樓倚檻對青巒，四顧雲晴眼界寬。不識人間三伏熱，摩天高嶺

雪光寒

旭川有大雪山  
北海第一高峯

一天風露夜將闌，又聽蟲聲獨倚欄。十歲曾遊夢猶在，古潭烟月

任君看

聞柴田貞次郎女齡僅三歲罹疫急沒哀悼不已賦此  
贈呈二首

狂風忽折玉芙蓉，再會無機夢只從。  
默坐焚香追憶處，悄聞薄暮一聲鐘。

偶接訃音魂欲銷，槿花早落任風飄。  
幽窓頻濺同情淚，北斗無光夜雨蕭。

驟雨

黑雲一片現山陰，驟雨沛然懸萬林。  
洗盡人間三伏熱，滿窓爽氣聽蟲音。

聞鴨脚敬子齡僅四歲罹疫急沒哀悼不已賦此贈其  
父光朝

狂風一何暴，倏忽仆芙蓉。天道非耶是，人生色將空。  
零花逐餘馥，亡子索遺蹤。哀痛情何限，慰諭文不從。  
鏡中留幻影，衣上想芳容。舞戲無由見，笑歡難再逢。  
鳥悲沙口樹，雨冷滿洲峯。默坐觀真諦，靜聞暮夜鐘。

寄懷鈴木澤吉

人生似浮萍，歲月如逝水。千萬相識安在哉，往者一去不回趾。  
仍思茫茫宇宙間，龜壽蜉齡何所持。不論新雨與舊雨，偏覺逢別便  
悲喜。吾友鈴木氏，心正而才偉。膺仕在北溟，盛名傳遠邇。  
識君恨其遲，傾蓋稱知己。曾怕天北寒，提家海南市。山河萬千無由逢，每  
值寒暄問安否。相別愈遠相思深，感謝交誼無終始。吾歲超六十，  
衰病凭書几。得信喜不禁，反覆拭目視。世上幾多者，真情不可比。  
才有量不足，其心多表裏。一朝立競場，棄友同弊履。近時思潮變，

人情薄於紙，若夫蚩蚩輩，見利口唯唯，幾回望天南，多累奈難徙，  
嗚呼十有八年交，相思空傳鴻與鯉，胡蝶尋花春無迹，暗蛩咽露  
秋將起，一篇長古書所感，翻恐淺才增羞恥。

八月廿日南無平野他喜松來訪賦此以贈

平野工學士，何感入宗門，身瘦如羅漢，心淨似釋尊，一日訪吾宅，  
相照膽與肝，大論教旨秀，盛說國體原，神佛無二別，政教可一元，  
日蓮夙喝破，所言有根源，一唱南無妙，大音震四垣，吾今坐衰病，  
豈思試鵬搏，行藏知有命，徒貪一日安，所憂思潮變，轉使吾心寒，  
黯雲蔽寰宇，悽風滿乾坤，政教漸退廢，道義太鈍昏，君國危無比，  
誰能撐狂瀾，世無救世主，國無護國魂，君知日蓮志，懷抱言裏存，  
慷慨談難盡，晚鴉噪林園。

初秋

半夜蕭條睡未成，忽聞千嶽雨風聲，晴來初覺早涼動，秋自梧桐  
一葉生。

雨中看山二首

檻外峯巒茫似煙，驀然急雨過樓前，仰看山影有無處，便識元暉

得意天。

元暉米芾子最善水墨山水

急雨驀然過大蕪，浮空積翠影模糊，無端想起米家法，坐對天然  
水墨圖。

呈德富蘇峰先生五首

節四

連日狂風襲海頭，蘭橈無恙上高樓，逢君不聽旅中苦，九月秋清  
十一州。

王公志業右軍勳，餘技詞章亦絕群，滿腹經綸裁不盡，更探天地

未磨文。

王公者王荆公右軍者王羲之

文海元勳世所推，菲才常恨值無時。小箋題句蒙延接，偏覺清風座上吹。

一天風露萬林秋，到處江山足勝遊。恨我不爲東道主，古潭煙月洞湖舟。

神威古潭，洞窟湖，共是北海之勝地。

書感

泮宮十歲學軒岐，神技身衰難復施。月照茅檐冷於水，一聲老雁入秋悲。

次雲莊入澤博士秋懷詩韻三首

卅年學德不知愁，高閣銜杯東叡秋。盛事如斯千古足，滿山霜色照風流。

泮宮相識卅餘年，一代名聲壓古賢。誰料從來醫國手，更於詩國拓良田。

赫赫偉勳歡若何，休言歲月夢中過。三千賀客舉杯處，笑見錦楓秋色多。

再和前韻賦贈三首

浩蕩煙波忘世愁，廿年消受北溟秋。吾心唯有白鷗識，不說人間第幾流。

白髮蕭疎六十年，不才身想故人賢。江湖尙有獻芹志，自索天涯未耨田。

奈此自然新趣何，萬林霜落雁聲過。溪山不着吸霞躅，看到十州秋色多。

偶作

此生何所意，俯仰獨羞顏。拂袂看塵世，弄毫掩筆關。學仙元不易，入俗更爲艱。一片稜稜骨，猶容天地間。



觀圍碁

圍碁對坐決雌雄，靜是如林疾似風。一鷺現身旗鼓外，九烏惜命戟矛中。牙營先亂安危變，釜守終招首尾窮。局罷檢來成敗數，嫣然笑見手搏功。

九月一日佐藤琢堂博士見招于雅會席上賦此以謝

高閣連雲表，喬林凝翠色。虹橋架清流，樂部占幽域。始止咿唔聲，招來儒雅客。清風拂松梢，白露墜庭石。詩賦珠玉同，謳歌聖世澤。泮宮與歲榮，研鑽多功蹟。吾輩素菲才，何圖許陪席。閑談忘世機，暮月照粉壁。

再呈琢堂博士

高閣參差聳碧空，釋松閱歲化蒼龍。泮宮成立因公力，仰見文華百代宗。

二百十日作

厄日過平穩，一詩不可無。今年天澤薄，多雨便憂虞。追想週前慘，懼然粟發膚。暴風挾猛雨，河溢地成湖。人畜多沈沒，良田埋泥塗。靈籙何劇烈，聞者恤無辜。爾後天候改，國民除泣吁。朝來晴與暖，稻熟綴黃珠。易筮多疑問，排之亦似愚。韋編三絕賜，孔聖半世謨。誰善通神技，避災頒秘符。尙餘卅廿日，安危問天樞。

朝起涉園

莊園移步聳吟肩，朝靄將晴氣爽然。林鳥何心掠單褐，池魚得意舞清漣。黃冠向日葵花美，青蓋跳珠荷葉妍。拾句兼添挑菜興，一籃秋色赤茄圓。

讀書

老松偃蹇護吾廬，滿地清陰涼有餘。旬日蟄居因底事，案頭尙對

讀殘書

秋風怨

秋風吹散細腰舞，妓院疎燈訴窮苦。碧瓦粉墻與歲頽，柳陰有人  
獨自語。噫莫爲女，奈此身。波波漂面棄如土，曾無羊車搖翠簾。釜  
欲生魚良酸苦。翻思白石繡帷新，雲間簫鼓四時春。瓊輪都向東  
方去，半桁紅袖久委塵。秋老薄塘冷蟾影，應有妖狐惱行人。  
白石，薄野，新舊

花街地

解劍行

深夜燈下照刀看，光如秋水動星文。將軍鍾愛比無物，摩挲廿年  
披鐵肝。噫吾與汝誓生死，一切功勳從汝始。慚愧漂母無千金，豈  
忍置汝塵埃裡。想起遼東赴援危，殺敵數十脫重圍。朝陷營口夕  
鐵嶺，飲馬長城彼一時。鬱鬱風雲繞坤軸，誰敵王愾雪屈辱。自耕

負郭二頃田，解劍未敢換黃犢。一揮二揮吐氣青，憮然吞淚對龍  
腥。寶刀入匣四隣寂，北斗光芒夜熒熒。  
華府會議後，軍備見縮小，失職者三千人，同情不已，有此作。

苦熱行

赫者日，炎者雲。蚩尤旗向西方過，陣亦堂堂無敵軍。風伯那邊去，  
兩師逃何處。街車獨送轟雷聲，檐馬不嘶太危懼。都門群集睡難  
成，一木一水託餘生。或向煽風機下臥，曾無涼氣覺爽清。炎熱如  
蒸釜，魚苦疫癘猛威負嵎虎。一身恐怖與煩悶，抗暑如揮螻螂斧。  
聞說卅年所曾無，火車盍早向歸途。流金鑠石苦熱句，南國瘴煙  
苦征吁。吾儕幸住天北地，白日炎赫朝夕避。一洗流汗嘯清風，銀

河如水墜杯器。

曹植苦熱行，備言流金鑠石之狀，鮑照苦熱行，大言南方瘴癘地，征討之苦。

洋琴

誰將鋼線作胡琴，纏絡如蛛細似針。橫列羅盤應手動，一人奏曲

百絲音

二百二十日作

厄日還無事，風微天色宜。市場低米價，億兆解愁眉。追憶西歐亂，餘波釀國危。海懲狂鯨暴，陸挫餓狼威。夙重同盟誼，不圖豎子欺。戰功無所獲，徒致國民疲。扶弱與種別，磨牙弄好辭。更開華府會，橫暴殆無遺。物價日昂騰，悽風滿四陲。深憂綱維廢，轉使我心悲。安穩過斯日，年豐亦不疑。千秋瑞穗國，天惠雀共嬉。

秋朝散策

秋爽催吟意，曳筇古郭東。雞聲破村靄，柳影動江風。蔬菜含霜白，蕃茄映日紅。避人官道外，曲曲入林中。

值秋二首

房櫳風冷覺秋生，燈火含愁黯不明。鬚髮添霜尙爲客，半宵欹枕

聽蟲聲

一夜難眠百感生，疎楊門外月孤明。可憐卅歲天涯客，也聽秋聲獨自驚。

秋日書感

此生宛似蝶蜂遊，花發欣欣花落愁。齷齪終身因底事，一年容易又逢秋。

悼山本利平

狂風一夜折長松，君赴黃泉難再逢。痛恨訴天天不答，白雲深鎖須彌峯。欲知天道非耶是，欲問人生色將空。手栽瓜果爲誰熟，鏡中留影非音容。嗚呼逝者不回恨何限，一聲擘耳無常鐘。

悼新井穆

第三高等學校教授  
弘道會員

弘道稱同志，談論忘晷移。京華雲萬里，一別勞相思。聞訃初疑夢，

銷魂奈此悲，世潮追日變。邦運坐窮危，君逝泊翁。會祖西村茂樹先生沒狂瀾  
撐者誰，焚香祈冥福。哀淚沾襟衣，鳥哭東山樹。兩悲舊帝畿。

悼梅澤耕輔君今春囑予說古稀榮壽詩就未及贈呈突然聞訃驚悼不已賦此以贈其子諱

蕭蕭落木攪秋思，再會無期奈此悲。古墓曾聞人掛劍，賀君詩變悼君詩。

秋懷

秋入梧桐見晷移，孤窓默坐寫幽思。讀書偶得同心友，擊案吟來會意詩。木葉飄零遊子恨，風霜索莫過鴻悲。堪驚鬢髮新添白，愧我無由脫俗羈。

大橋二水來訪喜賦以贈四首二水前代議士

嘉客來敲松下門，捲簾推案入晴軒。偶逢同賀康兼壽，遙別相思寒又暄。滿地金風憐短景，一林紅葉惜殘痕。談來萍水感多少，不

覺晚鴉林外翻。

歲月參差違不逢，何圖今日接音容。天涯久客喜推案，鄉國名流笑曳筇。一邱丹楓秋已老，半籬黃菊氣方濃。莫言人世通兼塞，對坐先傾酒百鍾。

回頭別後廿餘秋，堪謝仙楂訪小樓。喜值吟朋感情厚，恐聞征雁起鄉愁。一林蕭寂帶斜照，萬葉飄飛從逝流。示髮同歎又同笑，馬嘶風冷舊蝦洲。

正是秋風浙瀝時，羨君身健遠探奇。鳴鞭日國蹄群地，曳杖圓山官幣祠。到處觀光皆畫趣，行邊無物不詩資。更期泛艇古潭月，百里懸流助藻思。

十一月五日將住東俱知安發札幌二首

征衣未排闥，兒女問歸期。行樂元無約，奚囊滿句時。

出門霜未解，一笑上征途，秋杪天寥廓，輕裝伴雁奴，

競馬場

秋風吹馬埒，枯草埋蹄蹤，不聽鳴鞭響，霜冰似筆鋒，

琴似村

左顧皆山嶽，菜園連稻田，細流琴似驛，深霧發寒川，

輕川村

村內有前田牧場及極東煉乳會社

一望霜草白斑斑，秋正闌，殘天色寒，颺車也過輕川驛，牧牛多處幾回看，

過錢函觀海

山擁一灣碧，硨磲聳磯頭，蟄窟非吾志，慚他海上鷗，

出張碓洞門

洞門暗黑貫崔嵬，機汽飛煙穢似埃，肅肅通過別天地，展開萬戶

市城來，

鹽谷至蘭島風光最佳

恍看山水好，誰善畫橫披，遠碧米襄陽，新霜黃大痴，海波磯嶼洗，崖樹蔦蘿垂，煙際群鴻影，白帆天一涯，

小澤村

前後山成郭，地溫不知風，殘紅掛溪樹，孤鶻沒長空，

俱知安

嶽下一寒村，鬱然爲大市，工場吐黑煙，白日疑雲起，

寒別川

驛路朝霜白，馬嘶秋已高，寒風拂枯葉，崖下水滔滔，

笛笛內川

雲影低迷一路遼，衰楊枯荻野蕭條，天邊嶽色霜如雪，瘦馬營營

過野橋

朝起望羊蹄山

眠醒喜雀聲，窓已含晴旭，盤嗽拜山神，渾身靈氣觸，茆家等玉階，  
松籟如天樂。

山村夜寒有作

一片幽思攪旅魂，枯林蕭寂月無痕，深宵夢覺枕衾冷，身在白雲  
深處村。

山村早曉

山家冷枕衾，夢覺水車音，麥飯鼓喉舌，曳筇丘上林，林中諸鳥未  
知曉，見人驚飛匿叢篠，高嶽聳天雲，影低半輪殘，月尚皓皓。

早朝發山家上歸途

今日我將歸，整裝燈火暉，已終嗽兼食，告別出山扉，曉靄遮雙眼，

路迷通與岐，幾躋蹄轍迹，漑溜污旅衣，筴杖防顛踣，草鞋踰低卑，  
秋杪天蕭寂，林疎澗聲衰，冷風吹短髮，墜葉亂離披，回首村家遠，  
煙雲自有姿，山眠水不息，人起鳥不飛。

京極驛

東俱知安村

驛外雲煙暗，人群天未明，車馳三十里，燈火尙熒熒。

車中偶成

遊時心比入雲雁，歸日情同赴壑蛇，三日往還三百里，飈車載夢  
邈如霞。

海頭晴色

天候改從海，晴色現松梢，浦溆晒魚網，崖頭浪不咆，回看出遊迹，  
遠嶂白雲包，倦鳥歸心在，去枝赴舊巢。

歸家三首

小坊遺稿

家人賀早歸，開闔浮欣色。先卸半肩囊，初踰三寸闕。  
歸家奈多累，雜選集此躬。一事纔消散，百紛代來攻。  
歸來檢詩稿，追憶吸霞蹤。未覺山中夢，雲根一石松。

訪大橋二水于新善光寺

對坐爐三尺，境幽情味濃。僧房闐無響，疎柳着秋容。一碗清茶論  
陸羽，半聯古句憶曹松。曹松句云一朶雲山二水中

二水有轉宿延命館之意賦此以贈

禪家坐三昧，午寂掩書櫥。心置風塵外，身居墨衲中。江龍猶蟄窟，  
天馬正行空。一覺香龕夢，詩神始活通。

贈大橋二水

吾耳聽秋風，浙瀝開窓起。見藻山色同，雲如墨蔽屣。屣遠雷轟轟，  
電火爍喬樹。邀風鬪虬枝，萬葉飄落如雨拍。乾聲錚作金鐵鳴，疑

是千兵交矛戟，急使家人到菜園。力收芋魁又蘿匭，枯木寥蕭園  
容瘦，悲秋豈獨宋玉識。吾生二神山下城，一朝誤作天北客。異境  
衰病感慨深，老馬伏櫪鵬戢翼。回首風聲寂無聞，馮夷鼓止天吳  
匿。乾坤變爲別乾坤，萬片雪花霏霏白。此時有客來叩扉，昂矣如  
鶴陶謝格。此是鄉國一明星，相逢一笑入茅宅。赭顏白髯貌如仙，  
挾筆自誇煙霞癖。齡超華甲身愈健，三千里外曳吟屐。談來萍水  
忘晷移，且喜滿囊盡瓊璧。冷雨墮淚碧血碑，悲風留恨五稜郭。鷗  
波浩蕩小樽隄，馬蹄騰驤新冠柵。吐奇萬丈凌壯夫，不覺拍案落  
帽幘。賦詩破來平生愁，晤言真率不相逼。追憶泛艇三叉水，岸柳  
含煙石瀨碧。又憶開筵公園春，鶯花添興繞吟席。卽今難得當時  
興，幸喜心火未全熄。興奮一藥有青州，剪蔬傾杯日之夕。莫怪氣  
與老兒振，天涯再會真奇蹟。嗚呼卅年照膽肝，交情物味都淡泊。

雪紛紛兮撲欄干，百感交生不可抑。山似神山人非舊，雪花今想李花昔。

新善光寺

新雪不還留帚痕，知無俗客入山門。青松疎柳影相映，一點法燈輝淨園。

晚鐘

佛殿寥蕭路不通，袈裟觀世又空空。法燈熾灼明新雪，一杵鯨鐘吼晚風。

初冬夜坐

萬林搖落秋聲過，雙眼冥濛暮色圍。枯坐閑窓思句處，有人籬外叩寒扉。

冬暖

天與二冬雨，人喜小春暄。倦雁將迷路，衰楊忽返魂。流澌漲河域，落葉滿林園。一片幽情在，曳筇梅有村。

冬日偶成

秋過無物到吟邊，冥搜寫來詩幾篇。獨坐南軒日暄處，殘紅飄落讀書前。

聞書畫優劣論

三絕併來豈有詩，莫論聲畫又聲詩。吾儕無意比書畫，只願好材得好詩。

冬夜書感

孤館蕭無語，夜寒欲四更。殘燈冷人夢，斜月急鴻聲。鬱勃壯年志，飄零老後情。沈吟欲倦枕，俯仰愧斯生。

冬夜不眠



小舫遺稿 中  
天涯久爲客，半夜睡難成。梓里稀音信，異鄉別弟兄。此身非怨敵，何罪坐愁城。多感殘燈下，悄聞寒雨聲。

觀骨董肆

董文宰骨董四則詳述玩骨董協養生之意又無墨無筆田翁山人饒舌所記也

天寒似蟄龍，日暖如伸蠖。世人或笑學鱗蟲，閉戶先生初出幄。骨董展觀昇月樓，前賢遺墨脫錦囊。吾遊元自好古心，不在意千金一攫。笻杖踏來新雪珊，冬晴恰值春光灼。所疑果是無用玩，只見滿樓盡瓊珏。二雪江山想牧溪，其他古畫無不卓。探幽不愧諸信宗，筆墨淋漓出頭角。田叟品評饒舌如，無筆無墨何刻薄。圓山四條絢與婉，岸派其間出華桺。西浙一流有南蘋，淇園紫石留超蹕。更看南畫出田家，筆致不讓巨源作。書有山陽有菘翁，卷多公卿匾僧脚。其毫真僞吾不知，書少畫多如索寞。又有金木彫漆器，吳錦越氈鈿與珞。千點萬點連陸離，燦燦怪光使人愕。身如尺蠖伸

且觀誰探龍窟拾頷璞，吾儕好古養生耳。玄宰四則說得綽，

閑居

一籬塵世隔，此處愛清閑。紅葉從流水，白雲繞古關。泉聲石垣外，鳥影竹欄間。終日無他事，詩成手自刪。

煎茶

撥爐擁古鼎，湯湧覺情真。傾耳蚯蚓叫，松濤忽作隣。此間自存樂，身境淨無塵。更識醫衰病，無如茶味新。一碗驅惰氣，二碗益精神。思詩詩忽到，沈吟獨相親。優遊天地別，一庵四時春。

訪大橋二水于延命館席上分韻得侵

滿街蕭寂漏聲沈，又訪吟朋情味深。不識雪花飄館外，話來萍水卅年心。

又得侵

小舫遺稿

中

小樓午寂似叢林，此處尤宜披舊襟。歲月崢嶸旬後極，雪花飄舞寸餘深。藻才誰識謝安格，蓬泊吾思蘇武心。相值惹來多少感，把杯笑聽莫哀吟。

十一月念七夜大橋二水來訪喜賦

圍爐對酌舊鷗盟，誰解青燈一夜情。怪我思吟酒無力，滿園風雪送寒聲。

家山歸夢錄示二水四首

忽伴吟朋追舊蹤，萬松夾路翠雲濃。古城人去秋蕭寂，落日寒煙二上峰。

滿目櫻花自足誇，春風馬埒八千家。遊人隊隊帽釵簇，舞蝶狂蜂醉彩霞。

一棹來同赤壁遊，亂鴉翻處望悠悠。滔滔無盡大江水，白首堪思

蘇子舟。

長橋千尺大江口，人馬營營往又還。行盡萬檣林立處，斜陽明照奈吳灣。

題柳桃山水

春水溶溶碧一灣，萬株垂柳隔塵寰。不知何處漁郎棹，仰見桃花灼灼山。

京都灑春圖

滿都花是夢，紅靄梵宮阻。何物促遊人，春風鐘一杵。

訪大橋二水見其揮毫

夙窮書法歐虞蹟，敢意品評上俗客。大字小字任手成，只看雲煙滿四壁。一揮書盡千枚紙，再灑傾倒三斗墨。吾來佇立發感歎，叩肩告曰先姑息。

題雨谷梅竹圖

梅花不在多的，礫疎枝妙，竹亦兩三竿，風煙足一嘯。

題紅葉山水圖

樵夫去何處，一路萬楓間，雲影沈潭底，鹿鳴屋上山。

予有遊定山溪之意，世務多忙，終不果，悵然賦一詩

人生多失意，兀坐感無量，密雪籠冬樹，駭颺吼夕陽，一身塵累集，四面歲華忙，難得溫泉浴，悵然引領望。

夜坐偶成

小齋擁古鼎，窗外群鷺息，月照一川呀，雪封萬木默，幽思賦素梅，閑興磨新墨，幾唱小山詩，夜寒獨憶客。

送富岡永馬之秋田

朝來猛風飛雪華，風是如虎雪似砂，白濛濛不辨咫尺，滿天浙瀝

日方斜，客來叩扉立，俄頃，慇懃告別，幾引領，婢何識，客况離愁，只看風雪阻人影，吾歸檢刺驚且趨，相逢衷情轉耿耿，南隣北隣情誼深，可堪遙別萬重嶺，君在北海十二年，恪勤奉職等古賢，學兼東西精博物，十州文教宣無偏，名聲嘖嘖喧遠邇，門下作家幾百千，師恩不讓父恩大，堪思弟子情纏綿，雖然惜別私情耳，榮轉思君更完美，人事難換天職重，勉焉男兒斃後已，世云北海國寶庫，吾視秋田亦然矣，鬱樹攢天盡良材，重油噴井是巨財，山河萬里連鑛脈，金氣釀雲雲不頹，風雪多年經艱苦，鐵心百鍊試新裁，飈車送客天色霽，北斗爛燦照夜臺。

歲末書感

朝起眺天色，閉窓穿弊裘，風寒鳥無語，日暗客生愁，世態追危運，歲華從急流，忘機書卷在，好與古人遊。

田家夕飲圖

對酌新菟酒，佳肴是豆瓜。歡娛互鼓腹，唱出太平歌。茅屋清風度，傾棚明月呀。話來豐歲喜，其樂不在多。戰後一時利，富豪競侈奢。千金購古器，萬兩折名花。高閣燦金碧，揚塵飛瓊車。不如田家樂，蟻貯豈足誇。風雲變難測，憂國一長嗟。

狸巷

萬燈輝夜市，狸巷簇行人。吾亦新年樂，拋錢盆裡春。

創成川

清流貫全市，萬戶聳無邊。想起前年住，東都江戶川。

活動館

幕上寫真光學材，一場演劇亦奇哉。畫中現出皆生動，喚起萬人娛樂來。

西隣時事

久矣亂麻騷四疆，茫茫禹域轉荒涼。孫吳徒費虛還寶，魏蜀尙爭消。與長總統失威擁，虛器督軍挾勢恣跳梁。九州人物皆期沛，所恨曾無一子房。

訪大橋二水不在留一詩

或疑雲閣養精神，又想携筇雪裡春。十里訪來延命館，琴書如故不逢人。

十二月十二日大風雪

忽然哮駭颺，其勢猛於虎。林木都鳴動，白塵滿寰宇。行人驚仆難，向顏咫尺濛濛不辨處。吾兒未歸歸何遲，姑也嫂也出門覩。始認人影先安心，蹴雪截風太辛苦。爐火取暖雪彌勒，開口且笑且相語。

寄大橋二水

君試定山浴，優遊洗俗塵。繞欄青澗水，壓屋白嶙峋。疏氣通毛口，靈泉淨骨神。才思也如湧，裁句日新新。

冬夜偶作

鴉啼迎曙色，客過送斜暉。日中無暇披書卷，其奈匆忙短景移。况有寒威快刀銳，壓檐深雪暗簾幃。一燈初得閑中趣，永夜對書忘世機。

愛翁相對說

紐敦引力論，萬世稱不易。何料爾歲今，無端被委棄。愛翁相對說，忽爾從天墜。證據計量精，探窮數理粹。卓論傳萬邦，聽者驚靈智。噫嘻坤輿大，功勳無可比。英雄彼何者，私慾略隣地。學者不自求，畢生叩神秘。真理勝真理，次第窺天意。邦亡人不亡，猶太盛吐氣。

同

忽傳相對說，舉世發三歎。喜此真真理，天寰覲一端。

冬日偶成

松枝皆戴雪，偃蹇蔽書櫺。旭日昇籬外，人過聽馬鈴。

歲晚書感

戰後誤財政，終教國弊長。人心頻反覆，天意頓炎涼。纔濟今年債，更憂明日糧。小民塗炭苦，足跡與雲忙。

悼阿姊

阿姊名春子，十二月十八日病歿。先是一月，庭中老楓樹仆，家人以為奇。

老楓仆兮阿姊沒，昨慘今悲生倏忽。是夢非夢奈傷情，一家驚愕譬無物。姊也資性元賢明，訓育子弟出至誠。廿年洪恩無由報，慟哭不覺淚縱橫。木枯明年萌新蘖，綠陰紅葉代追節。人逝今後隔幽明，其奈音容難再接。回頭屋外吼狂飈，飛雪紛紛夜蕭蕭。痛恨

小雅遺稿  
訴天天不答，一聲哀雁亦魂銷。

釋尼微妙法會卽事

釋尼微妙是阿師法名

爐煙細兮燭淚流，法會全家坐暗愁。肅拜床邊彌陀佛，祈來冥福了清修。紅顏白骨變朝夕，十萬億土送戶籍。仙蹤日遠切追思，人生無常感深刻。金鴨燻燼反魂香，銀燭明滅照悲傷。狂風一過天如墨，殘月無痕夜茫茫。

大雪雜詠三首

一望濛濛白，不分垣與椽。馬嘶知有路，堆雪等人肩。雪路廢車輪，輕橈衝白塵。忽聞鈴鐸響，看馬不看人。茅家同玉殿，皎晶隔塵氛。雪與檐牙續，犬聲屋上聞。

鍾馗捉鬼圖

劍氣如霜張目眦，虬鬚染血血淋漓。世間債鬼殺同類，願使先生

斷首肢。

除夜二首

逝水流光不暫停，寒居偶醉舊書檣。多年衰病支雞骨，明旦新正加馬齡。窗外臘梅埋白雪，机邊殘卷寫黃庭。孤燈奄奄小於豆，百八鐘聲夢裡聽。濟世多年無所成，頻思往事淚縱橫。同胞萬里住三所，各地一宵愁再生。寒月窺窓悽是色，狂風掠屋颯成聲。歲華盡處感何限，自憫栖栖老後情。

小舫遺稿中終

終

